







醫林纂要探源卷九目錄

方劑

嬰兒部

朱蜜法

白龍糝法

茶清拭法

甘草湯

益脾散

蟬蠶散

龍膽湯

天麻丸

沈香天麻丸

風引湯

再見

省風湯

青州白丸

再見

蘇合香丸

大青丸

白餅子

惺惺散

大連翹湯

利驚丸

理中湯

再見

人參毓神湯

開關左右散

防風導赤散

蟬蛻釣藤飲

當歸散

花火膏

蟬蛻散

六神散

抱龍丸

白銀湯

紫霜丸

柴胡人參湯

當歸人參散

調氣散

代赭石散

天南星散

蠍虎散

磨消乳丸

保和丸

枳實消痞丸

白朮散

肥兒丸

胡黃連丸

茯苓散

換肌丸

清肺飲

使君子地黃丸

蓮子黃連丸

蝦蟆丸

蜘蛛膏

使君子丸

化蟲丸

檳榔散

烏梅湯

烏梅丸

再見

凡五十四方 內複見四

痘疹部

惺惺散 再見

參蘇飲 再見

升麻湯 再見

宣風散

十神解毒湯

羌防散鬱湯

桔梗荆芥湯

桔梗麥冬湯

導赤散 三見

犀角地黄湯 再見

消毒飲

快斑湯

臙脂膏

保元湯

太乙保和湯

益元透肌散



保元人乳湯

保元固氣湯

獨聖散

牛李膏

豬尾膏

狗蠅散

十宣散

十全大補湯

敗草散

松花散

木香散

異功散

枳殼湯

寬中散

麥門冬湯

滋燥養榮湯

再見

保嬰八補湯

八珍加木香牛蒡子湯

八珍加黃芩知母湯

八珍加麥門冬五味子湯

八珍加肉果木通湯 木香歸蟬散

桔梗消毒湯 柴苓湯 再見

益元散 三見 內滌湯

韶粉散 玉髓膏

花露膏 決明散

紫貝散

附痘瘡避忌 附稀痘方 五

凡四十七方 內複見八條

麻疹部

升麻葛根湯 再見 升麻柴胡湯

麻黃湯

再見

參蘇飲

再見

消毒飲

再見

化斑湯

六一散

四見

四物滋陰湯

黃連杏仁湯

黃芩知母湯

普濟消毒飲

再見

四物湯

四見

芍芩湯

香連丸

再見

養陰消毒湯

蜘蛛膏

再見

桔梗消毒湯

再見

栗枝洗法

四物加麩湯

凡十九方

內複見十

醫林纂要探源卷九

婺源汪紱雙池輯後學

吳縣徐大鑿子丹  
吳縣吳大彬俊卿  
同邑程夢元賦園  
溧陽強汝諤莘原  
元和管禮昌叔王  
慈谿林頤山晉霞

同校字

方劑

嬰兒部

小兒之疾與大人同。但口未能言。又脈氣未定。難於診察。故昔人謂之啞科。錢仲陽脈法言脈亂為氣不和。弦急為傷食。沈緩為虛。促急為驚。浮為風。沈為冷。水鏡云三部逆順難明。須辨虎口三關。凡未至三歲。看男左女右。虎口第二指根。第一節為風關。若脈見病初交。第二節為氣關。脈見病深重。第三節為命關。脈見死不治。其紋見色青為驚。色赤多熱。急驚。紅黃為食積。淡白為疳。紫黑為寒。為慢驚。又云。三關青者。四足驚。赤者。水火驚。黑者。人驚。紫色瀉利。黃色雷驚。脈紋入掌心。內弔文。曲向



裏風盛。曲向外。食積。上蒸。如線一直。驚熱。三條或散者。風痰。愚按虎口經脈。上出指尖。亦太陰肺經所分行。驗其脈色。以察病症。固亦猶診太淵寸口之意。但此經脈文色。有皮厚雖病而不見者。有皮薄無病而亦見者。有無病而紋透三關者。是亦未可盡據。又徵之面。而分五部。左腮為肝。右腮為肺。額上為心。下頰為腎。鼻上為脾。此亦伸陽之法。然額上屬心。下頰屬腎。鼻上屬脾。可準。而兩腮分屬肝肺。則難準。莫若口議所云。五位氣色。總見藍青色者。驚積不散。欲發候火。紅色者。痰積壅盛。驚悸增進。黃土色者。食積癥傷。欲作疳疾。痞癍。灰白色者。大腸滑泄。水穀不分。欲作吐利。慘黑色者。臟腑欲絕。其疾危惡。其兒不久也。大概面部如印堂山根。見青黑色。多主驚悸。人中見黑色。主蛔。黑氣繞口者。多死。面頰赤多主火熱。餘可類推。難以細分也。至於太淵脈法。則未及三歲者。皆以一指意分三關。而以一入至為平。九至為過。七至為不及。四歲以後。用一指滾轉別三部。七歲以後。可稍移指診之。成童以後。則與大方脈同矣。小兒之疾。惟臍風與急漫驚風及變蒸之候。異於大人。茲則輯其最

要於用者數方於左。其餘風寒食積皆與大方脈同治。可無贅述。又古方治小兒病。每多用金石香。竄峻利之藥。恐非柔脆之體所勝。又非貧家所能猝辦。故茲亦不多及云。

### 朱蜜法

肘後方

小兒初生。口有液毒瘀血。宜於啼聲未出時。急用絛裹指為拭去。不然。則嚙下。使兒多愚。且生瘡疹。然倉猝之際。不及如法。則用此解之。

甘草

細切

黃連

細切

硃砂

細研

蜂蜜

各少許

宜預備。分器

貯之。收生之際。急以沸湯泡甘草。以絛裹指蘸甘草汁。拭兒口。次用泡黃連汁拭兒口。又次以蜜一蠅殼和硃

砂抹兒口中。可鎮心安神。且解胎毒。

按此方固可解胎熱之毒。然有胎中

帶寒者。則黃連非所宜。故有用淡豉汁者。或濃茶者。此皆察母之體氣。可以隨宜而施之於其子。又俗有用艾

火灸百會穴者。此則恐反致火毒。大非所宜。不可從。

### 白龍糝法

直指方

小兒初生翦臍法。視其實者深之。弱者則淺之。昔人云。斷臍不盈尺。一撮之內。隨其根蒂自落。其或有翦臍不慎。傷於外風。致臍瘡不乾者。可用此傳之。

### 白礬

收濕且能益心。

### 龍骨

斂氣且能安神。

### 絲綿

斂瘡口且能禦風去寒。

各少

許煨研末。燒綿灰合之。以糝臍上。

每日換尿布時。仍展視加糝。

臍濕

自乾。且可免臍突及風證。

又方用枯礬三錢五分。礬砂五分。麝香冰片各

五釐。按冰麝香竄。恐兒體弱。則非所宜。尤恐反引風入裏。不如此方之穩。

### 茶清拭法

小兒七日之內。臍風撮口。鮮有活者。宜預審視其口中。齒齲之上。有小白泡子。如粟米狀。是則胃中風熱。



所變見。乃臍風撮口之兆。預用此法可免。

濃煎好陳細茶

甘苦寒。而氣味輕清。能升清陽。於上。降濁陰於下。祛風蕩熱。

用青布

裹指。

資藍。澁之氣。以舒肝風。而靖心熱。

蘸茶拭兒口中。擦破其齦上之

粟粒小泡。撮口可頓開。甚效。

### 甘草湯

治噤風撮口。取吐風痰。

生甘草

一錢

濃煎汁。餵之。取吐風痰後。取豬尾血少許。點

入口中。

甘草生用。散而有補。解毒而不失之寒涼。雖可涌吐。而能緩肝之急。豬尾血取其掉動不止。為

全身血脈所注。故能通血脈。古方用豬尾。或用豬乳。不

然也。○古方瓜蒂散。控痰散。多失過切。不若此之平穩。

控痰散用蠟尾銅青硃砂膩粉麝香。茶調下。

### 益脾散

治小兒噤風。用甘草湯吐痰後。可與此湯以和脾胃。噤風者眼閉口噤。啼聲不出。舌上齟上。聚肉如粟。不能飲乳。大小便通而口吐白沫。此脾胃有風寒滯鬱。得自母胎。產時復為風邪所搏。則鬱而成熱。變見於喉。舌間。故二便通而口上噤。百二十日後。宜防此證。

人參 白茯苓 益元氣 厚脾土 木香 陳皮 疎肝和胃 通理上下 草

果 煨 厚朴 去陳腐 開鬱 積破堅結 蘇子 炒 邪降逆氣 甘草 炙

和中等分為末。每二錢。薑棗煎服。此和平之劑。自有殊功。以辰砂礪砂牙硝元明粉全蠍珠麝治風噤。愚案此證宜屬胃寒。故口吐白沫。而二便通利。其似乎有熱者。乃外風激之耳。辰砂散藥多寒涼。似非所宜。如熱重不得已用之。亦只可少許。塗傅乳上。使兒吮之。

### 蟬蠶散

治小兒撮口證。撮口者。面目黃赤。舌強唇青。氣息喘急。啼聲不出。聚口縴。不能飲乳。初生七日內。每見之。甚者。腹脹青筋。掣急引痛。若口吐白沫。四肢冷者。多不治。此由胎氣挾熱。母食辛熱之物。至轉生熱風。又或胎受驚氣。兼之產時風邪入臍。內外搏擊。而成此證。最為惡候。

蟬蛻 去嘴脚炙四個。○甘寒。能緩肝和脾。去濁熱。除風濕。宣達陽氣。清肺膏心。 僵蠶 去絲

四條。○甘辛鹹。祛風勝濕。補心安神。清肺瀉熱。補肝和胃。通利經絡。 全蠍 炙去毒一錢。○辛酸鹹。專

入肝木。主 茯苓 五分。○安心神。利小便。此治諸風。主 證多不。小便。故宜加用。 釣藤 鉤

一錢。○甘苦寒。緩肝風。抑相火。主治驚癇癰癥。胎風客忤。 硃砂 少許。為末。每服一錢。

取竹瀝調下。竹瀝甘寒。通行經絡。若倉猝間。竹葉亦可

口證。最為平穩。其有初生小兒。便不能飲乳。小便。犯此證者。先用葱白五。四寸。和乳搗蒸。抹兒口中。即能飲乳。

乃繼服。此可也。

醫林 益脾散 蟬蠶散 龍膽湯



龍膽湯

本千金方。此從楊氏加減。

治胎驚。月內氣盛發熱。臍風撮口。血脈盛實。四肢驚掣。發熱大吐。及變蒸不解。客忤驚癇等證。凡十歲以下。皆可酌量輕重服之。按臍風證。亦多由母腹中經受風濕。或多食辛熱。或房慾不禁。或偏食生冷。或感觸驚駭。皆為兒病之原。至產下斷臍之頃。又或為水濕風冷所乘。外淫自臍而入。內外搏激。遂令腹脹臍腫。身重肢弱。日夜多啼。不能飲乳。甚乃發為風搐矣。然此證亦有寒熱虛實。內外輕重。非可一例治。如兒身熱填胸坎證。盛實者。則可用此。若臍旁青黑。爪甲黑者。為內搐。甚重。死不治。

龍膽草

釣藤鈎

柴胡

拔在下之清氣而升之。

桔梗

降在上之逆氣

而下

甘草

炙。厚其中之正氣而和之。

白芍

陽氣過亢。為之斂之。

茯苓

心火恟恟。為之安之。

麥門冬

清肺甯心。

防風

疎肝和脾。且逐外淫。以上各五錢。此二

味直指方所加。

黃芩

大黃

煨。以上各二錢半。蕩除肺胃之熱。

劉散每服視

兒大小為輕重。如百日內者，每只服錢許，稍長略加。○舊方有蜣螂，直指方去之。加大棗煎服，得利則止。此兒多熱，熱則便秘，得利則止，不可過服。

### 天麻丸

治臍風釣腸鎖肚撮口諸證。或胎氣本寒，翦臍時復感風冷水濕，致令腹脹臍腫，四肢柔直，日夜驚啼，不能吮乳者，故以温中逐痰祛風為治。

天南星 泡二錢 ○辛苦潤腎補肝祛風去濕破滯通關 白附子 泡一錢 ○辛苦

經之風能逐寒痰治搐搦 天麻 一錢 ○辛温主治肝風 五靈脂

一錢 ○甘鹹活血散瘀 全蠍 焙一錢 巴豆霜 少許 ○定驚止癇通利經絡

驅逐沈寒 牙硝 一錢 ○辛苦鹹能軟堅攻積合巴宣達關竅 豆霜用之能破積而不致洩瀉



防風

五分。舊方用輕粉。今改此以疎肝和脾。且去外淫。

為末。米糊丸。如麻子大。

每服三丸。薄荷生薑煎湯化下。

生薑去寒。薄荷祛風。

此治臍風驚風撮口諸證之內寒者。

沈香天麻丸

寶鑑

治小兒因驚發搐。痰多眼白。癩瘰筋攣。

方已見風部。此治因驚成風。

或母腹受驚氣。或觸於客忤。因膽火而動。為肝風也。

內不足而為寒者。故附子川烏益智仁當歸生薑以大

補肝腎。滋養氣血。以祛其內寒。二活防風天麻。以捍其

外忤。半夏沈香。以通陰陽上下之氣而順之。殭蠶以理

之虛甚者。加人參可也。

此有眼白之證。則近於慢驚矣。故屬之內不足而宜溫補。

風引湯 金賈

治小兒驚癇癩瘕。癎。日數十發。

方已見風部。此治以風成驚。

風乘肝虛。肝動膽火。或因動於外感。或由觸自客忤。

外有餘則生熱者。重以鎮之。

滑石靖三焦火。石膏靖肺胃火。寒水石靖心火。紫石

英益心肝之血。白石脂墜肺胃之痰。赤石脂去血中之瘀。風火動搖。重所以鎮之。

寒以蕩之。滑

石膏大黃皆以蕩除邪熱。

辛以補之。

乾薑桂枝石膏大黃皆辛以補肝。

酸以斂之。龍骨

牡蠣皆瀉而斂。

甘以和之。要以去風除熱。而鎮安心神。則驚定

矣。此證日數十發。是急驚也。故屬之外有餘而宜靜鎮。

省風湯

治驚風噤口。筋脈攣急。抽掣不止。風痰實盛。旋暈殞仆。恍惚不定。神志昏惑。按驚證皆屬肝風相火。小兒

初生於時為方春於象為萌芽正肝膽用事風火交煽而動之候也然質方柔脆而過於風火則其本反傷矣此所以多驚風之證風所由動或兼自外感或內有偏勝則治法亦審證而後可施如錢仲陽之瀉青導赤益黃瀉黃瀉白六味諸丸散已分見各部皆可選用大抵自外感者易治而證多急由內發者難治而證多緩錢仲陽云傷風後而發搐口中氣出熱呵欠頓悶手足動搖當發散大青膏主之傷食後而發搐身體溫多睡或睡或唾不思食當先定搐白餅子下之又驚風搐搦而用藥鎮墜太過風疾不散與氣相逆搐不能定則當下轉氣疎風之藥溫膽湯加棗仁服次省風湯化蘇青丸服溫膽湯已見肝部茲錄其數方於左

天南星

生用四兩○生用極妙蓋全其辛熱之性助生氣也

防風

去蘆四兩○以大疏其風

甘艸

生用一兩○因前此鎮墜太過故此皆資生氣以轉為升提也

半夏

米泔浸一宿一

兩○此只用泔浸亦是生者復生陽之氣於陰中以達其出入之道不止為去痰而已

黃芩

去粗



皮一兩。只此一右。吹咀。每服二錢。生薑一片煎服。此用薑以稍制星夏之毒。

治驚之藥。多用重鎮。鎮重太過。生氣反鬱。有變而傷內。成慢驚者。此方見幾而轉為疎風。且助肝氣。去其壅鬱。驚搐亦可自平也。

青州白丸 即蘇青丸

凡治急驚。用寒涼攻墜太過。轉成慢驚者。急宜用上方及此方。

方已見濕部。此用治小兒風痰相挾。其勢有甚急者。此

方一於辛温。南星半夏白附烏頭皆辛温之藥。補肝祛風。藥亦甚峻。然

制之能使就平和。用泉水浸擺日曬夜露。經歷旬日。是以能制之使平和也。故可用

方劑 嬰部 青州白丸 蘇合香丸

醫林彙考 卷九  
以轉垂危之證。治驚風用薄荷湯下。用此調蘇合香丸服。又名蘇青丸。

### 蘇合香丸

治吐瀉驚癇。客忤鬼症。或者有效。然忒香竄恐非益。小兒生生之道。特因前方有蘇青丸之說。姑錄於此。

蘇合油

冰片

研各一兩

木香

檀香

沈香

丁香

香附

炒去毛

麝香

研

硃砂

研

犀角

剉屑

白朮

藁

芩

訶黎勒

煨取皮各二兩

爲末。和蘇合油煉蜜丸。如梧桐子

大。原方有安息膏薰陸香。安息香非藥。肆所有有亦不真。徒空名耳。故去之。

### 大青膏

治小兒因傷氣傷風而發搐者。口中氣熱。呵欠頓悶。手足動搖。當發散之。

天麻一錢 白附子一錢 熟各半 蠍尾五分 取其發毒之意 青黛

烏梢蛇酒浸取肉 焙乾五分 天竹黃五分 硃砂少許 麝香

生蜜丸如稷米大 同牛黃丸用薄荷湯化下牛黃丸已見風部

此方不見有發散意。但祛風解熱之意有之。

### 白餅子

治小兒夾食傷寒。發熱嘔吐。噯氣搖擗。肚痛者。用此推下食積。再加發散調治。

滑石一錢 輕粉五分 半夏一錢 南星一錢 巴豆二十四粒 去皮

膜用水一升煮。糯米粉丸如菉豆大。量兒虛實大小。酌乾研細粉用。

用。或一丸三丸五丸。空心紫蘇湯下。以利為度。後用惺



惺散或參蘇飲調治。參蘇飲已見風部。

推蕩食積。不嫌稍峻。用之當病而有度。用之可也。

### 惺惺散

搖擗發熱。而兼嘔吐。既為之利下。則又恐轉傷中氣。而致慢驚。用此方急為調理之。

天花粉內熱必傷肺。此解胸膈之熱。 桔梗去肺邪。降逆氣。 白朮補中燥濕。理氣。

茯苓安心神。理脾土。 人參補中氣。和五臟。 細辛通滯氣而升陽氣於陰中。

甘艸炙。和中。 白芍藥瀉肝火。斂陰氣。 等分。每服一錢。水煎。

此方調治有法。凡吐瀉有熱發搐。恐轉慢驚者。宜用之。

### 大連翹湯

治小兒壯熱。小便不通。瘡疹丹毒諸證。亦治臍風。凡兒初生有熱在胸膈。頻頻伸引。呃呃作聲。努氣不息。

以致臍突赤腫者。多由其母好食辛熱。或受驚悸。遺為胎毒胎驚也。可服此湯解之。

連翹

一錢五分。○苦寒。主能散心及三焦之火。

瞿麥

一錢。○苦寒。瀉心火。利小便。去瘀通淋。

荆芥

一錢。○去血中之風濕。

木通

通心火於小腸。

赤芍

斂血分之陰。去血中

之熱。

當歸

防風

柴胡

升拔少陽之生氣。

消石

蕩三焦之熱。

山梔仁

甯心而去三焦屈曲之火。

蟬蛻

解皮膚風熱。

甘艸

炒。○各一錢。

黃芩

五分

大黃

五分。○中熱甚。用之。否則去之。

紫草

三分。○血熱用之。不赤腫去之。

每服一錢。詳證加減。

此方主去熱。用藥亦不甚峻。凡臍風急驚熱多者可用。

利驚丸

治急驚。風痰涌盛。發熱潮搐者。可用。

醫林

卷九

方劑

嬰兒部

大連翹湯

利驚丸

理中湯

九



黑牽牛錢五 天竹黃錢二 青黛錢一 輕粉許少 白麵糊丸

如菉豆大。每用二十九丸。薄荷湯下。

急驚熱甚者暫用。

### 理中湯

治慢驚慢脾風吐瀉後轉而中寒者宜用。

方已見寒部。

### 人參毓神湯

治慢脾風神氣不守目多白邪視者。

人參錢一 乾薑錢一 白芍八分 阿膠錢一 白瓜子仁七粒

冬瓜子也。

此方陰陽並理。安養神氣。方不必奇。藥不必峻。而可以扶危。

### 開關左右散

急驚偏搐。面青背冷。男左女右為順。男右女左為逆。如手心令汗。眉攢腹搐。日夜不定。兩肩皆動。此病自內發者。其證最危。偏搐者。此方開關。  
內搐者。宜人參湯。及人參毓神湯。

赤足蜈蚣

一條。中分為兩片。各用蔥汁浸一宿。焙乾。

全蠍

一個。亦中分之。並各放兩處。

各分左右為末。左目翻左手搐。以左藥末吹入左鼻。右則用右。若左右俱則兼用之。搐止後服祛風順氣及補養之藥。右搐者順氣為主。左搐者兼之養血。

### 防風導赤散

治小兒初見驚搐之證而熱尚淺者預以此理之蓋初起多是心膽之熱陽氣之至多失於急風搖火動一或鬱之一或觸之則驚搐見矣

生地黄 滋腎水以濟心火 木通 瀉心火於小腸 防風 宣達肝木之氣 甘

草 和中緩肝 黃芩 保肺清肺氣 赤芍 斂肝靖血熱 羌活 助防風以達肝

氣且祛外風 等分每服三錢 熱不甚者去黃芩赤芍羌活 竹葉 三片○達肝氣

於四末 燈草 三莖○降心火於下極 煎服

此方最平穩切當

蟬蛻釣藤飲

治肚痛驚搐啼哭不止

釣藤鉤 天麻 茯苓 川芎 白芍 各二錢 蟬蛻

甘草各一錢 木通 防風 羌活 麥門冬各五分 燈

草三莖煎服

已成驚證者。此方為治。夜啼有熱者亦可服。

當歸散

治夜啼。按小兒夜啼。多屬臟寒。心虛則神不安。胃冷則腹疴痛。水旺火不安。故啼於夜間。溫膽湯及此方宜用。如面青手冷。則中寒證也。溫膽湯已見肝部。

當歸三錢。辛甘溫。滋陰而行於陽。能補肝甯心。非徒血分藥也。白芍二錢半。酸寒。斂陰。

然固肺氣。安心神。實能養微陽於陰中也。人參二錢半。以輔元氣。氣血足則心神安矣。甘

艸炙一錢。桔梗一錢。逆氣而下之。橘皮去白一錢。升

半夏一錢。開闔陰。扶神一錢。煎時時與之服。

方劑 嬰兒部 蟬蛻釣藤飲 當歸散 花火膏二



此方兼養氣血而安心神。中寒而夜啼。亦驚之漸也。宜

此方。亦有中熱而夜啼者。

其證暴啼不止。面赤唇焦。小便黃赤。亦驚之漸也。

宜

導赤散。

已見火部。

或三黃丸。人參湯下。

三黃丸已見三焦部及火部。

花火膏

治中寒

夜啼。

燈草

剔花落。聚之。○燈草本能瀉心火。燃燈得膏潤而生花。燈明於夜。有心之象。而熄其花。則能使心火

退安於不妄。故治夜啼。此用意之巧者。不獨為中寒治也。

硼砂一字

硃砂一字和蜜

為膏。抹乳上。使兒吮之。

蟬蛻散

治風熱

夜啼。

蟬蛻四十九個。只用後一截。按蟬鳴以腹。是其喙不鳴。而蟬鳴於晝。夜則無聲。故用其能鳴而不明之處。今試用其前截。則兒又夜啼。是亦造化之巧矣。又蟬蛻去風熱。兼能治驚。爲極細末。分作四服。用釣藤湯下。

此二方皆方之巧者。而用之屢驗。且平和無害。

### 六神散

治腹痛驚啼。面青肢冷。口中冷氣。曲腰而啼。大便洩瀉。不吮乳。此亦慢脾之兆。宜預服此。

四君子湯加山藥 扁豆炒 每服二錢。薑棗煎服。

此方最平和。

### 抱龍丸

統治諸驚。

甘艸炙一兩半。○標此為君。調和五臟。 琥珀鎮安心神。破滯散瘀。 茯苓 人

參 天竹黃甘淡。甯心安神。祛痰去熱。功同竹瀝。而主治驚癇。 檀香以上各七錢。○

辛溫。和脾利氣。 枳殼寬中破滯。斂陰降逆。 膽星祛風痰而能靖膽火。不過於烈。 白

朮三味各五錢。○健脾補中理血。 金箔五十片 合為末 山藥半斤。○甘濇。和

中。斂精氣。平虛熱。 煮為糊和丸 辰砂二兩淨水飛過 為衣丸 芡實大

每服一丸。薄荷湯下。

小兒諸丸散中。此方最為平正。急慢驚風。皆不妨用之。謂之抱龍者。肝為青龍。為心之母。而龍最易飛。此丸緩肝之急。而鎮安心神。使神魂相依而不妄動。故曰抱龍

白銀湯

小兒微有驚風夜啼。體熱不安此可通治。

紋銀 不拘多少。或用銀器一件亦可。 薄荷 去風 燈草 除熱 煎水服。

尋常不必奇藥峻劑。只此亦自多功。以上皆治驚風。

### 紫霜丸

治變蒸發熱不解。并傷寒溫病汗後不解。胸有痰癖。乳哺不進。乳則吐哕。先寒後熱。又治乳積。乳哺失節。大便酸臭。諸證。皆可服之。

代赭石 醋煨。淬七次。一錢。 赤石脂 一錢。瀉肝去瘀。固下。斂脫。

杏仁 去皮尖。五十粒。潤心。肺。降逆氣。破堅結。發邪汗。開聲音。 巴豆 三十枚。去皮膜。去心。

壓去油。取霜用。○攻堅去癖。其力甚峻。此合赤石脂用。乃不致瀉損。先研杏仁巴豆霜如

膏。乃入二石末研勻。以湯浸蒸餅為丸。如粟米大。百日



內三丸。乳汁下。一歲五丸。米飲下。以微利爲度。

此方雖峻用之有節亦可止病。

按變蒸之節凡三十二日而一變再變而一蒸。

變則上氣蒸則發熱臟腑以此而成氣血以此而長。自初生後三十二日一變而腎氣成。初有志向。六十四日二變一蒸而膀胱成。其發時耳與骹熱耳腎竅也。而腎膀胱之脈皆行於足下。九十六日三變而心氣成。初能喜笑。一百二十八日四變二蒸而小腸成。其發時汗出而微驚汗心液也。微驚者火氣未定也。一百六十五日五變而肝氣成。善怒。一百九十二日六變三蒸而膽氣成。其發時目不閉而赤目肝竅也。赤相火動也。二百二十四日七變而肺氣成。發聲學語。二百五十六日八變四蒸而大腸成。其發肌熱或微洩肺主皮毛也。二百八十八日九變而脾氣足。善飲食。三百二十日十變五蒸而胃氣足。其發不肯食。腹痛吐乳。蓋其序以天一生水地二生火。天三生木。地四生金。天五生土。而六七八九十合而成之。十變之後。又有二大蒸。氣充四肢。以長碎骨。十變後六十四日爲一大蒸。其計三百八十四日。經脈成。手足便能立能行。不汗而熱者宜發其汗。大吐者微

止之。不可別治。又六十四日為二大蒸。共計四百四十  
八日。又六十四日為三大蒸。共計五百七十六日。而蒸  
變畢。乃成人矣。凡變蒸時。輕則發熱微汗。其狀似驚。重  
則壯熱脈亂而數。或吐或利。或煩啼躁渴。輕者五日解  
重者七八日解。兒上脘人中下。發小泡如濁珠。變蒸候  
也。與傷寒相似。但變蒸各有五臟徵驗。而傷寒自有寒  
熱之證也。其因變蒸而續感外淫。則更宜審  
辨。因證施治。若只變蒸不解。則微利氣可矣。

古紫霜丸以治變蒸不解。蓋臟氣變動之際。宜鎮定其

心神。安固其氣血。而隨之以推陳致新也。二石。可鎮心  
神。固氣血。杏

仁巴豆霜。可推陳致  
新。而用之有節也。

### 柴胡人參湯

變蒸骨熱心煩啼  
哭不止。此可治之。

柴胡 三錢 ○ 升

人參 二錢 ○ 保  
安元氣。

甘艸 炙二錢 ○  
調和中氣。

麥冬去心二錢。○

肅清肺氣。

防風一錢。○預為祛風。

為祛風。

龍膽草一錢。○微為去

熱。每三錢煎服。

在下者升提之。在中者安和之。在上者肅清之。而微去其風熱。蒸變之際。以此調之。最得其道矣。

### 當歸人參湯

治變蒸有寒無熱者。

當歸二錢。○滋陰而行於陽以足其血。

肉桂一錢。○補命門而生肝木。以壯陽氣。

木

香一錢。○宣達陽氣於上下。

甘艸炙一錢。○以和其中。

人參一錢。○保安元氣。

每

服二錢。薑補肝行陽氣。

棗補中厚脾土。

煎服。

是兒陽不足也。人猶木也。兒其句萌。故肝命生陽之原。



陽不足則生不遂。無能改枝發葉。故滋之當。煖之肉。達

之木。而厚其土以培之。人參。甘艸枝葉可日新矣。亦良方也。

### 調氣散

治變蒸吐瀉不乳。多啼欲發慢驚者。蓋變蒸之際。血氣未定。則外邪易乘。內未定而邪外乘。則必深入。深入則乘所不足。乘所不足則驚風內作。故有因變蒸而成慢驚者。吐瀉不乳。是內不足而欲成慢驚也。急為補中而和調其氣。所以治也。

人參 二錢。保 安元氣。 甘艸 炙一錢。調和中氣。 香附 疏行肝氣。

橘皮 疏行肝氣。 藿香 理揮霍雜亂。 木香 以上各一錢。行上

下睽隔未通之氣。 每服二錢薑棗煎服。

先天之氣。腎命為父。後天之氣。脾胃為母。水實生木。而



木託於土。土氣薄則不任根株。木氣生而土不任。則生

氣鬱塞而橫亂。變蒸之際。吐瀉不止。土氣不任矣。此肝

氣所以亂而成驚也。厚和其土。人參 甘草而疏通肝木之鬱。

香附 橘皮 藿香 木香生氣可自遂矣。以上三方。皆甚有法度。

### 代赭石散

統治諸癇。按小兒癇證。亦驚風也。但猝發。發則似生  
似死。既而復醒。如平人耳。癇證已略見脾部痰類中。  
其在幼科。則又當論辨。俗分五癇。以面赤目腫。齧牙  
吐舌。心煩氣促者為心癇。面唇俱青。兩目上視。手足  
拳攣。抽搐反折者為肝癇。面黑塵晦。振目視人。口吐  
青沫。不動如尸為腎癇。面如枯骨。目白直視。驚跳搖  
頭。口吐涎沫。為肺癇。面色痿黃。兩目直視。腹滿自利。  
四肢不收。為脾癇。此亦大略得之。而要之其病或起  
於感冒。或得自驚駭。或停滯痰食。或得之母腹。起於  
外者易治。得自胎受者難痊也。得自感冒者。其初屈

指數數。內熱生痰。得自驚駭者。其初驚叫大啼。恍惚失志。得自停食者。其初吐乳不哺。大便酸臭。而總歸風痰阻滯。流入奇經。有時乘虛則犯於心竅。五癩亦惟在心肝脾三經耳。保嬰者見有內熱驚啼不乳諸證。則當預防。前紫霜丸。或玉樞丹。白銀湯皆可用。大要亦與驚風諸證通治。又癩將發時。耳後高骨間必有青紋。紛紛如線。急為抓破。使血出啼叫。則病氣自滅。亦是一法。治此有辰砂散。牛黃丸。俱已見脾部痰類。更錄簡易者數方於左。

代赭石

醋煨。淬。研為末。水飛過。晒乾。待用。

每服五分。以白銀湯見前和金

箔少許調下。連進二服。良久兒腳脛上有赤斑。即邪氣

發出。其病隨瘥。無赤斑則難治。

代赭石重鎮之品。能入心而瀉君火。入脾而去

濕痰。入肝而平相火。加之。以金銀之器。鎮心安神。故能使風痰不犯於心。而下流發於足脛也。足脛並少陽少陰經。有陽蹻陰蹻脈。是風痰所流溢處也。

方有至理。而藥甚平。勿以其近而忽之。

### 天南星散

祛風豁痰。統治驚癇。其分五。癇陰陽。則以他藥為佐治之。

天南星

一個。重九錢以上者。就地作小坎。深八寸許。炭火燒通紅。以真米醋半盞灑入坎中。即納南星於內。又以火炭密蓋之。更用盆蓋其上。一飯時取出。洗淨切焙。為末。量用。或一錢。或五分。如風癇。肝癇。用生薑四片。補肝氣。去寒痰。

分。如風癇。肝癇。用生薑

四片。補肝氣。去寒痰。

紫蘇

五葉。行肝祛風。兼

理血

同煎。加

豬膽汁

許。和服。

以靖相火。

如驚多及心癇。用

琥珀

研一錢。

全蠍

一錢。

石菖蒲

五分。

同生薑湯調末服。

琥珀鎮安神。破結散瘀。全蠍去風痰。斂心氣。菖蒲開心竅。

如乳滯及脾癇。用巴

豆霜

許少。

杏仁

三粒。

同和。以人參湯調末服。

去巴霜杏仁。以堅積。人參



以補元氣。如痰涌肺癰。用卓角末少許。○清金。沙參湯調

末服。沙參清補肺氣。如腎癰僵直。用烏蛇乾肉一錢。○資附

子製熟者一片。同炮薑湯調末服。欲陽復於下。則風可息也。

已見癰證者。此方可備用。

### 蠍虎散

統治諸癰。頗有效驗。

蠍虎一條。搗死連血研。○守宮也。以其食蠍。故有此名。

故有守宮之名。又古人以其血和硃砂。塗宮人臂。紅色

雖浴不落。一交男子則落矣。此用以治癰。一以其食蠍

則得蠍之氣。而能祛風逐痰。一以其穴壁間。則能穿竄。經絡入於奇經。以去其流溢之邪。癰一以其守宮。則能固護方寸紫宮。而可使邪痰不犯於心。且鹹能補心用血也。

硃砂鎮心安神。麝香許



資其香竄。搗蠍虎爛。和麝硃研。只作一服。薄荷湯調下。令睡

一覺醒。再用二陳湯。虛者用六君子湯以調理之。雖久

癩可瘥云。

癩證雖有分見。總之風痰入犯於心。心血不足。心神不

守。而後風痰得而犯之。此方可以足心血。守宮帶血以補心血。安

心神。守宮能守。且其性靜伏。又佐以硃砂。卻風痰。其食蠍得蠍之氣。能祛風去痰。搜經絡

守宮善竄穴。又佐以麝香。是有驚有風有滯。皆可統治。繼用二陳以

蕩餘痰。用參朮以輔正氣。治癩多方。惟靈苑辰砂散。已見

脾部方用辰砂乳香棗仁。代赭石散。及此方。體物甚精。自有效也。

磨消乳丸 巢元方

治宿食不消。脾胃寒也。按乳性本微寒。賴小兒方純陽。故無害。若母嗜生冷。而乳哺無節。或宿乳帶餒。則食之成寒積矣。小兒自臍風驚痛。數證而外。惟傷食之病為多。疸疳蟲蠱之生。亦多因食不節而起。故輯數方繼之。

砂仁補命門。煖脾胃。 陳皮行肝氣。疏脾滯。 神麩炒 穀芽炒 三

稜煨 莪莖 煨○二味能入血分以破堅積。 香附炒

兩○大行血中之滯氣。而乳亦血也。故用以消乳積。為末。麩糊丸如麻子大。食後

白湯送下。量兒大小。或五丸十丸。

方亦過於攻破。但些少用之可也。

### 保和丸

健脾消食化痰。小兒能米食後。如有積不化。宜用此方。

及胃木... 嬰兒部 磨消乳丸 保和丸

山查 去核三兩。消肉食。且能攻堅順氣。故以為君藥。

神麩 消穀食。解酒癖。 麥芽

消食化氣祛痰。 茯苓 健脾滲濕。

半夏 開胃氣。達肝氣。通關節。行脾濕。以上各一兩。

蘿蔔子 微炒。降逆氣。消堅癖。

陳皮 行肝氣。疏脾土。 連翹 清心火。散結熱。二

味各五錢。 為末。煮麩和丸如菽豆大。米飲下。此平平消積。或不欲過耗。

加白朮名大安丸 消而兼補。體弱者加人參。

藥味平和。消而有節。 或猶疑蘿蔔子之峻。抑蘿蔔人所常食。子安得過峻也。 此方

及健脾枳朮丸 皆已見脾部及濕部。 皆良方也。

枳實消痞丸 東垣

積氣成痞。實由脾虛不能運化之故。故此方仍主補脾也。

枳實 破積治痞君藥。 黃連 薑汁炒五錢。破胸膈結熱。且能厚腸胃。 人



參三錢 白朮土炒三錢 麥芽炒三錢 半夏麩三錢 厚朴薑汁

炒三錢○大去 茯苓三錢 甘艸炙三錢 乾薑二錢 蒸餅

糊丸。

脾坤道也。坤順而健。故能含物化光。若脾氣虛怯。以致不能消物。而又攻削之過。則天地之氣。益以不能交而成痞矣。又何以能消積乎。此方惟君枳實。佐以黃連。而積實實有斂陰之功。黃連能厚腸胃。皆非壹於攻破者。況佐之以四君子。所以厚坤土而配天行健也。麥芽神麩亦穀食之餘。消而不過。東垣之方。所以為後世則也。餘若木香丸。檳榔丸之類。皆置不復錄。況巴霜大黃三

醫學木食卷五 方劑 嬰兒部 枳實消痞丸 白朮散 五



稜莪莖之峻。偶一用之可耳。可常服乎。

白朮散

錢仲陽

治消積已過。胃氣不和而吐瀉消渴。

白朮

五錢

茯苓

五錢

人參

二錢五分

甘艸

炙一錢

藿香

五錢

○以理霍亂不和之氣。

木香

二錢。○以升降上下之氣。

乾葛

五錢。○渴甚者用一兩。按

葛根能升拔陽明胃中之氣。以敷布於臆中。且能止洩瀉。非僅止渴而已。

渴甚去木香。腹痛甚加白芍。

痛甚加白芍。

此因下之過。而後議和補者。然急能和之。補之則無過

矣。

肥兒丸

白朮

麥芽

半夏

林

統治諸疳。殺蟲消熱。按疳病多因小兒欠乳。食穀啖肉太早。又乳食肥膩相裹。以致成積。兒之脾氣未足。不能運化。則積壅成熱。熱鬱生蟲。故疳者甘也。土氣之鬱也。疳之成積。必腹大筋急。色黃體瘦。此方可治。故曰肥兒丸。疳之病形。頭皮光急。毛髮焦稀。腮縮鼻乾。口饒唇白。兩目昏爛。揉鼻擗眉。脊聳身黃。門牙齧瓜。焦渴白汗。溺白糞酸。腹脹腸鳴。癖結潮熱。酷嗜瓜果。或炭或米。或土或布。嗜酸嗜鹹。此不必全見。有犯數件。皆是也。昔分爲五。曰心疳。多驚。身體壯熱。臉赤唇紅。口舌生瘡。胸膈煩悶。小便赤澀。五心煩熱。盜汗發渴。齧牙虛驚。曰肝疳。因風搖頭。擦目。白膜遮睛。眼青多淚。頭焦髮直。腦熱。筋青。躁渴汗多。下利瘡癩。曰腎疳。在骨。腦熱。肌削。手足如冰。時作寒熱。腹痛滑瀉。口鼻乾渴。齒齲生瘡。爪青面黑。身多瘡疥。曰肺疳。氣逆。咳嗽喘急。壯熱憎寒。皮膚起粟。鼻癢流涕。咽喉不利。頤爛吐血。氣脹毛焦。瀉痢頻作。曰脾疳。因食。身面俱黃。肚大腳細。中滿吐逆。水穀不化。洩下酸臭。合面伏睡。嗜食泥土。然疳雖有五。而總起於脾。脾土分旺五行。脾病亦分見五臟。至於轉變見症。則又有曰蛔疳。蛔蟲嚙腹作痛也。曰脊疳。蟲蝕脊骨也。曰腦疳。腦

瘡腦熱也。曰乾疔。瘦瘁少血也。曰疔渴。壅熱煩渴也。曰疔瀉。腸鳴利不止也。曰疔痢。時痢惡物也。曰疔脹。頭面手足虛浮也。曰疔癢。五心煩熱成癢瘵也。此其病起於疔。而更他有所挾。失所調理。乃致斯極。又有曰無辜疔者。腦後項邊。有核如彈丸。按之轉動。輒而不痛。此中有蟲。宜速破出。世傳姑獲鳥羽糞。汗衣攝兒魂所致。此亦未必然也。然此失治。轉致丁奚。四肢瘦削。腹大臍突。又為哺露。虛熱往來。吐蟲反食。皆難治者。治法多方。此丸為最。其分見五臟。則亦略輯數方。變而通之。存乎其人。又有走馬牙疔。此為虛熱之極。相火上奔。又當別治急治。此方則見幾塞源之治也。

黃連

二兩。○苦寒。瀉妄火。燥脾濕。厚腸胃。殺蟲。為治疔君藥。

肉豆蔻

一兩。○辛溫。補命火。

而行之脾胃。以去土中之積鬱。

木香

一兩。勿見火。○辛苦溫。升下焦無形之氣。以達於上。而蒸水穀。

和氣血。降上焦有形之物。以行於下。而司決瀆。去壅滯。

神麩

炒一兩。○甘辛溫。和中開胃。消滯去

脹。破結行痰。能消能伐。而無傷於正氣。

麥芽

炒一兩。○甘鹹平。能變化有形之堅積。而自含發生



之氣。使君子一兩○味甘而能殺蟲兼可消積。

檳榔五錢○苦瀉甘溫攻堅破積降

洩逆氣而達之下極之下。且

川棟子去核炒一兩○苦寒瀉熱殺蟲

其苦能殺蟲其瀉能斂陰。

達於下極而散之。○此依局方原本他書有去肉蔻木

香使君子檳榔而用陳皮三稜莪朮蕪荑者則全失製

方之意蓋陳皮雖亦行氣然性平緩而不如木香之暢

蕪荑雖亦殺蟲然質浮薄而不及檳榔使君子之快。至

若三稜莪朮則又過於攻破多用恐非脆弱之腸胃所

能勝也。且此方君黃連而佐以肉蔻所以根柢於命門

而養脾胃之正。然後消伐降火殺蟲之藥可以次第而

施而神麩麥芽皆從穀化使君子檳榔亦有甘味破邪

而實兼養正有膽識者或且加用參朮。今為末用麩糊

去肉蔻而用三稜莪朮豈製方之旨歟。

丸如麻子大每服二三十丸空心米湯下。

穀以養人而過食成積。小兒脾胃方弱又或乳哺不時乳穀油膩相裹以至不能消化

則必至神麩麥芽以變化之。如化米為酒食積則氣鬱成積矣。



中焦積鬱。則清陽不升而濁陰不降。肝氣阻鬱矣。木香檳榔以升降之。肝氣而

上之。檳榔降肺氣而下之。氣鬱則生濕熱。如罨醬罨麩焉。皆以鬱而生濕熱也。黃連川

棟子以燥之洩之。若能洩熱燥濕。濕熱則生蟲蠹。凡蟲皆化使

君子黃連川棟子以殺之。檳榔亦殺蟲。蟲以甘熱生。以苦寒死。其腸胃薄

而太陰未足也。太陰脾也。君黃連以健之厚之。黃連合生氣於至陰之地。

而能健脾土。要其本元火不足。而脾胃不能化食也。元火謂命門火。

肉豆蔻以壯命火而溫之。黃連靖君火為君。肉蔻補相火為相。此方本末

條理。非他攻伐之方所可易也。

### 胡黃連丸

治府之多熱者。

胡黃連

五錢。能拔骨髓中之熱。

黃連

五錢

硃砂

二錢五分

蘆薈

二錢

五分。苦大寒。能清肝熱。殺一切口齒眼目內外諸疔諸蟲之毒。

麝香

一錢

先研硃砂

再研二連。入硃砂末同研。填入豬膽內。用漿水煮。

藉豬膽之

氣以木相火。藉米漿之氣以和脾土。意以引肝木使疎脾土。而去其積濕鬱熱也。

候一炊久取

出。

煮法須以一筋橫瓦銚上用一線懸釣其膽。勿令沈底。

再研入蘆薈麝香。用飯

和丸如麻子大。每服六七丸。多至二十九。米湯下。

肝疔目疔驚疔。此方可以通治。

### 茯苓丸

治疔之多驚者。

赤茯苓

三錢。取其專入心。

茯神

五錢。又用茯神者。茯苓以滲邪濕。茯神以安心神也。

琥珀

研三錢

黃連

三錢

蘆薈

三錢

釣藤皮

三錢。此非治搖擲

而以靖君相之熱。故不用其鉤而用其皮。

遠志

二錢。○茯苓能交心於腎。遠志能交腎於心。

石菖蒲

二錢

蝦蟆

二錢。○須蟾蜍乾之。煨研用。如無蟾

麝香

少許。○以醒脾胃。

堅處土穴而食百蟲。故能殺蟲。治疳者多用之。

心疳驚疳。此可通治。

究以脾胃為主。如黃連茯苓蝦蟆皆健治脾胃。

換肌丸

治肌瘦寒熱盜汗溏瀉。糟粕不化。頭大腹急。

黃連

炒一兩

肉豆蔻

煨五錢

神麩

炒五錢

麥芽

炒五錢

使君子

五錢

鼈甲

酒炙五錢。○亦與用蝦蟆同意。而鼈甲能滋陰。此有潮熱。故用之。

訶子肉

一錢半。○苦酸瀉溫。能燥脾和胃。洩逆去熱。止渴斂陰。收脫止瀉。安厚倉廩。

麝香



少許。此方與肥兒丸大同。所異者用鼈甲訶子。而為去其破氣行氣之藥耳。氣虛熱盛。下脫不止。則宜此。末。麵糊丸如芥子大。米湯下。量兒大小加減。

脾疳食疳肺疳。凡飲食易傷。臟氣不調。寒熱洩瀉者。此方可以通治。

### 清肺飲

治疳露咳嗽。氣逆多啼。壯熱惡寒。

桑白皮

炒五錢

甘酸微辛。行濕瀉火。為補肺清金君藥。

紫蘇

二錢五分。行

肝氣而瀉肺之邪寒鬱熱。

前胡

甘苦辛寒。能瀉洩高亢。下行之滯。

防風

赤茯苓

黃芩

桔梗

連翹

凡肺熱皆由心火上逆。故赤茯苓連翹所以瀉

心。

天門冬

去心

當歸

生地黄

滋其陰血。乃所以濟心火而斂肺金也。



固氣逆不下。則治之自當如此。且熱靖氣順。則疢蠱亦自除也。每服二錢。水煎服。  
肺疢氣疢。此可通治。

### 使君子地黃丸

治腦熱肌削手足冰冷。時作寒熱。滑瀉腹痛齒瘡身疥骨立面黑。

熟地黃

入錢

赤茯苓

三錢。用赤以去心下邪熱。

山藥

牡丹皮

山茱萸

去核

澤瀉

以上即六味丸。

當歸

此其血澀而燥。故多瘡疥。故用當歸去殼用肉。以

以滋之。不必以滑瀉為疑也。

川棟子

去核用肉。

使君子

去殼用肉。以上各三錢。

用肉以專治內也。用六味地黃丸以滋養腎水而濟妄火。加當歸以使用行於陽。川棟子使君子以殺疢治蟲。而茯苓山藥又實。皆可以理脾。為末。蜜丸如梧子大。每服三五丸。溫水

化下。不必說古也。

腎疝骨疝腦疝脊疝。此可通治。

### 蓮子黃連丸

治小兒潮熱往來。五心煩熱。盜汗骨蒸喘咳。疝而成癆者。

黃連

五錢。豬膽汁。浸一宿曬乾。

胡黃連

三錢。拔骨蒸。自當用此。

瓜蒌根

二錢

清胸。膈之熱。

烏梅

去核二錢。以斂真陰。其效甚大。且藉以伏蟲蠱。

杏仁

浸去皮焙

二錢。以潤心。肺。以破堅結。

石蓮子

二錢。以理脾胃。以交心腎。

為末。用豬膽

汁浸糕糊丸如麻子大。每服十五丸。煎烏梅薑蜜湯下。藥簡而當。斂陰和脾。治疝癆宜用。

### 蝦蟆丸

治無辜疔及丁奚哺露。  
止瀉痢解煩渴退虛熱。

蟾蜍一個

此處陸地不善跳不善鳴腹大而善鼓氣背上多塊磊者

置甕中用糞蛆

一杓肆其飽食

或云打死蟾蜍置尿桶中肆蛆鑽食

一日夜取出以布袋

包繫定浸急流中一宿

此用蟾蜍或云用糞蛆

取出瓦上焙乾為

末加麝香一字揉飯糊丸如麻子大每二三十丸米飲

下

此古方也今只取

蟾蜍

一個打死連腹臟炙乾為末

加糞蛆

黃連

胡連

神麩

麥芽

檳榔

肉果

各末或加

麝香

一字

以豬膽汁及好酒煮麵糊丸治疔有效亦名蝦

蟆丸不必泥古也



蜘蛛膏

治走馬牙疳。其證初作口臭。轉見齒黑。久則齩爛。熱血迸出。甚乃牙皆脫落。其來甚急。故曰走馬。此腎水枯竭。而肝命之相火上炎。干於陽明胃經。上行齒頰。相火急速。故勢如走馬也。小兒初生。一片純陽。其陰本未足。故多火熱之證。若其母好食醲酒。辛熱以乳之。則火愈甚矣。

蜘蛛

一個。須黑色腹大者。性處於陰。而食於陽。能食百蟲。又性味鹹寒。能去熱攻堅。故可用以治相火之急。而救腎水之枯。無蜘蛛則壁間蟻子。身黑背白。作窠一席。一蓋而居其中者。亦可用。倘蟻子亦無。則用其窠。惟色麻褐而大。窠有席。無蓋者。名壁勞。不可用也。

肌細研入麝許少合和擦齒上。

此一時急治良方也。旋當服六味地黃湯以靖之。

使君子丸

使君子丸 使君子丸 使君子丸



治小兒五疳。脾胃不和。心腹膨脹。時復疴痛。不進飲食。漸至羸瘦。蛔蟲上攻。諸蟲作痛者。皆可服之。楊氏曰。五疳出蟲者。疳傷雖起於乳哺不調。而臟腑停積。蘊熱則轉變生蟲。其蟲或細如絲髮。或長如馬尾。或微如米粉。多出於頭項腹背之間。或食脊脊。或攢十指。或入腦中。或聚肛門。或嚙臟腑。病蛔者必皺眉多啼。嘔吐青沫。腹中疴痛。肚脹青筋。唇口紫黑。頭搖齒齩。病脊疳者必身熱黃瘦。煩渴下痢。拍背如鼓。鳴脊骨如鋸齒。或十指皆瘡。頻啣爪甲。病腦疳者由胎中素挾風熱。生下又乳哺失宜。頭皮光急。滿頭瘡餅。腦赤如火。髮結如穗。遍身多汗。頂腫顛高。凡此皆疳蟲之證。且食鼻則鼻癢臭爛。食目則目眶赤癢。白睛漸昏。食口則牙宣齒落。食肛門則後陰腫墜。食前陰則前陰濕癢。皆致潰爛。至蛔蟲則九蟲之一。巢氏云。蛔因臟腑虛弱而動。或因甘肥而動。然臟寒亦動。其動則腹痛腫聚。往來上下。痛有休止。口吐涎沫。嘔青水。如貫心則死。脈法。腹痛當沈弱。或弦。若脈反大者。則蛔動也。其中鼻頭唇口一時色黑。或唇口粉白。皆是蛔證。宜此丸及化蟲丸。若臟寒吐蛔。則用仲景烏梅丸。及理中安蛔丸。臟腑虛弱。用檳榔散。

使君子

去殼取仁。湯泡去黑皮。淨肉一兩。

白芍

二錢半。和脾止腹痛。斂陰。

厚

朴

二錢半。理脾胃。去陳鬱。

陳皮

去白二錢半。行肝氣。

川芎

二錢半。行血中之

氣。

甘艸

二錢半。和中。

為末。煉蜜丸如芡實大。每服一丸。陳

米湯化下。

使君子以殺蟲。餘藥則以調理陰陽上下之氣。良方也。

### 化蟲丸。

治腸胃長蛔寸白。蟻蝕諸蟲。凡蟲齧心痛。往來不定。不思乳食者。

鶴蝨

一兩。去下部。苦辛溫。能堅腎。潤命。

檳榔

一兩。

棟根皮

東引者一兩。

苦大寒。行水去熱。破積。

胡粉

炒一兩。

攻堅殺疳。治疳。

用東引者。取生氣也。

寒。破積。鎮

辛。苦。溫。去風。

驚殺蟲。

使君子

淨肉五錢。

蕪荑

五錢。辛苦溫。去風。濕。除積冷。破堅結。殺

蟲 白礬 煨枯二錢五分。酸鹹寒。補心安神。治一切瘡腫。為末。麩

糊丸如菉豆大。每服十丸。三歲以上可三十丸。用漿水

入麻油三五滴吞下。

萃諸殺蟲之品。合為一方。亦過峻矣。然殺蟲莫效於此

不惟治蛔 鶴蟲可治下部。蟯蟲及皮膚間蟲。棟皮可治

粉除蟲無不可至。白礬除皮膚瘡疥。檳榔使君子乃專

治腹中蟲。嘗用此為末。吹鼻治鼻疳。和麻油為膏。傳疥

### 檳榔散

上方過峻。如蟲氣已靖。則宜服此散以安之。

- 檳榔 錢二
- 木香 錢二
- 甘艸 錢二
- 人參 錢二
- 黃連 錢三



末。每服五分或一錢白滾湯下。

檳榔本香以升降上下之氣。甘艸人參以安養中氣。氣壯且和。而後蟲躡不生。君黃連以厚腸胃。清濕熱。而黃連檳榔皆可殺蟲。又苦堅腎水。宜散陽明之火。故可治腎疳齒牙宣露。

此方亦可統治諸疳。因病用引。如嗜酸者用烏梅湯。嗜鹹及瓜果者用熟鹽湯。嗜肥膩者用諸骨燒灰及山查湯。嗜生米者用炒米湯。嗜泥土者用竈心土湯。其目疳鼻疳齒疳。則各用其藥以引之。可以類推矣。

烏梅湯



治蛔蟲衝心。  
心痛欲死者。

烏梅肉 三個。蟲見酸則伏。

薏苡根 一兩。甘淡。清熱下氣行濕。此無與治蛔。然濕熱行

而蛔自下矣。水煎服。

方平而效速。

### 烏梅丸

此以胃寒而蛔動者。程郊倩曰。方治蛔厥。實以安胃。

此方已見寒部。為胃無陽也。附子乾薑川椒以扶命門之火。桂枝細辛以行之。人參當歸以理之。而又以連葉平之用烏梅以伏蛔。而椒連黃蘗則皆能殺蛔。究之和胃之治也。小兒胃寒未甚者。理中加烏梅可矣。  
理中丸亦見寒

部。小兒白風驚蒸變而外。惟疳積蟲傷。宜爲留意。餘若外感諸疾。則皆與大方脈同。可無多贅矣。

### 痘疹部

小兒痘疹。皆胎毒也。交合之際。以君火而動相火。受胎之後。以相火而涵君火。人非此火不生。而火氣之餘。則不無留毒。此毒分留於臟腑之間。偶觸天行外邪。然後因之而發。發於五臟者爲痘。發於六腑者爲疹。毒有多寡。故痘疹有重輕。毒有偏行。故痘分五臟見證。而疹則獨發於陽明。錢仲陽云。痘疹之候。面燥腮紅。目胞赤。呵欠頓悶。乍涼乍熱。咳嗽噴嚏。手足稍冷。夜臥驚悸。多睡煩躁。脣裂身痛。頭疼痰涎。類似傷寒。且痘疹之始。多觸風寒而得。或至展轉傳染。或因傷食嘔吐。或因跌仆驚恐。或爲竄眼。或爲牙驚。搐如風之證。或爲口舌咽喉肚腹疼痛之狀。或爲煩躁發熱。面赤狂悶。昏睡讖語。

之證。或自汗下利。或發熱。或不發熱。證候多端。猝未易辨。方論所載。以耳冷。或足冷。驗之。以痘證屬陽。腎臟無證。耳與足皆屬於腎。故獨冷也。然疑似之間。或中或否。不若視其耳後。有紅脈赤縷者。爲真。蓋耳後爲手足少陽所經行。而二經皆行命門。相火之氣。痘雖分見五臟。而胎火餘毒。要皆自命門而發也。其脈多洪大。而弦數。證脈之際。身略戰動。則痘證無疑。痘證之常。發熱三日而後見標。標齊三日而後起脹。起脹三日而後行漿。漿滿三日而後收靨。發熱之初。耳足及手中指俱冷。耳後紅絲。旣可預知爲痘。則宜託裏解表。使其易出。若體氣虛弱者。當微補其氣。而未可遽用黃芪。至四五六日。則以清涼解毒爲主。使不至於枯燥黑陷。七八九日。行漿當溫補氣血爲主。使漿易滿。十日及十一二日。收靨宜和其氣血。補脾利水。使靨易結。此其常也。其有變者。則非常法所可拘。而調治大法。要不外活血調氣。安表和中。溫涼兼濟。輕清解毒而已。自首至尾。皆不可大爲汗下。過汗則其後必成爛斑。暗啞癢塌。虛寒之證。誤下則其後必有伏陷不起。灰白虛羸。腹脹之證。爲禍不淺。古



人所深禁。然表熱方盛。紅點未見。影影不出。煩躁  
腮赤。起不活動。則又不得。不以輕揚之劑。微開腠  
理。不致毒氣擁於皮膚之間。痘方易出。但不可過  
汗耳。若乃痘未出時。脈數洪大。溺赤便閉。氣粗腹  
脹。脣燥煩渴。是則熱毒壅盛。而不洩。又不得不微  
爲下之。使內無所阻。榮衛升降。以順。不至使有紫  
黑熱結血枯之證。但不可太下耳。此宜制之以權  
也。大抵表熱盛。則痘必乾枯。表虛寒。則痘必冰伏。  
裏熱盛。則必秘結。裏虛寒。則必洩瀉。氣壅。則腹  
脹喘滿。亦有熱逼而瀉者。其瀉要白不同。審此五  
者。而平調之。無或使太過不及。則治法得矣。其  
有順逆生死之徵。則分見於各條。各方之下。

### 惺惺散

凡發熱之初。證似傷寒。疑似未明。可先服此散。能保  
元氣。而退虛熱也。○若初無大熱。腰腹不痛。過三日  
乃陸續見點。大小不一。堅硬礙手。紅活圓滿。是爲順  
證。若初或吐或瀉。而精神不減。此熱從內解。無害也。  
但不宜久吐瀉。恐耗氣耳。若身熱而不時驚惕。此心  
經發毒。不須服驚藥。宜服此散。痘出驚自安。若誤用



寒涼冰伏。則致死證。如發熱一日而遍身齊出。密如蠶種。摩不礙手者死。頭面一片紅。赤如塗臙脂者六日死。用紅紙撚蘸麻油點火。照心頭皮肉內。若有一塊紅。或週身有紅塊者。八九日死。或頭溫足冷昏悶如癡。渴甚者凶。或腹中大痛。腰如被杖。及報痘乾燥而前痛不止者亦凶。如三四日痛止者。可用助氣血藥救之。

此方已見嬰兒部。參苓朮草以預補其中氣。花粉細辛白芍藥桔梗以預減其蒸熱。故初發熱宜之。雖有吐瀉驚搐。此可安之。卽非痘證亦無害也。

### 參蘇飲

發熱而似於傷風者。大宜此方以安裏而解表。

已見風部。此方調氣。半夏陳皮前胡桔梗枳殼補中。人本香。皆調其上下之氣也。

茯苓甘艸大。而微為解表。紫蘇乾葛生薑皆解表也。雖痘證亦可由是而宣達無傷矣。

### 升麻湯

熱盛必發於陽明。痘證表熱煩躁面赤。紅點影影不出。宜此方為解肌而和其表裏。

方已見寒部。升麻葛根以宣達其外。芍藥甘艸以和理

其中。熱可解而毒亦可宣。以上數方皆微表之。使毒氣

不壅於皮膚之間。則痘易出也。見紅點後忌葛根。恐表虛也。若表實者亦無害。

### 宣風散

治風痰壅盛。或大便緊澇。是毒盛而內不得泄也。必宜微下之。使榮衛通暢。而後痘出始快。用此方。

檳榔二個。降上逆。陳皮去白五錢。升下。甘艸鬱之氣而上之。

升麻湯 宣風散

生用二錢。即其中而為之和之。

黑牽牛

一兩半生半炒。辛苦寒。攻堅破結。逐熱行水。通下。

焦氣血之閉。半生取其行。半熟欲其無過於行。其為末。蜜湯調下一錢。

蜜亦以潤腸。

此方為痘疹毒氣壅盛於中。故通利之。調其升降。

檳榔陳皮

甘艸。而君以牽牛。使下達而中止亦平也。然非壅盛之甚。

未可輕用。

### 十神解毒湯

翁氏曰。血熱之證。初發身熱壯盛。腮紅面赤。毛焦色枯。煩躁口渴。日夜啼哭。睡臥不安。好睡冷處。小便赤澀者。未出之時。升麻參蘇諸湯。雖皆可服。總不如此方之穩。昔人用黃連解毒湯。恐驟用寒涼。熱毒冰伏。出反不快。且毒鬱於中。或致腹脹內潰也。若不得已。而用連藥。亦須酒炒。以緩其寒凝之性。以助其上行之勢。借之以解毒。可耳。



生地黄 一錢。以靖血熱。歸尾 八分。以養肝血。

川芎 八分。以行血中之氣。而開豁其壅塞。白芍 八分。以斂血分。

連翹 五分。諸熱皆統於心。連翹以開心氣之熱而散之。丹皮 五分。以靖心。

桔梗 五分。心熱則氣上逆於肺。桔梗以降之。木通 五分。心熱下遺。

大腹皮 五分。熱壅則中滿。大腹皮以疎之。紅花 五分。猶恐血。

以活之。合一劑。燈心十四莖。水煎服。使諸藥歸心經。

痘瘡血熱。則毒盛而中實。毒盛則有咽痛狂躁失血便。

秘之患。中盛則有腹脹氣喘譫語口瘡之患。故不可不。

涼其血。然毒以熱發。使無熱則毒不行矣。故不可過用。

寒涼也。此方最為斟酌。安表和中而毒熱可殺。身熱壯。



盛。加前胡葛根。毒不透肌。加荆芥牛蒡子。渴甚。加天花粉滑石竹葉。小便赤。加梔子。短澇。加豬苓澤瀉。秘。加滑石瞿麥。溺血。加犀角梔子。大便秘。加枳殼前胡。秘而喘。加枳殼前胡大黃。下黑血。加犀角黃連。吐。加豬苓澤瀉。陳皮。乾芩澤瀉。乾葛。防風。嘔。加橘紅。嘔吐。加豬苓澤瀉。陳皮。乾嘔吐。血衄。加犀角黃連。咽喉不利。加元參牛蒡子。甘草。斑丹。見。加犀角黃連。黃蘗。梔子。煩躁。加麥門冬。天花粉。煩渴。狂亂。加知母麥門冬。石膏。

### 羌防散鬱湯

翁氏曰。痘證實熱壅盛。不得達表。氣粗喘滿。腹脹煩躁。狂言譫語。睡臥不安。大小便秘。毛豎面浮。目瞽如怒。及為風寒所搏。而不可快者。並宜此方。不可驟用寒涼。亦不可悞為溫補也。

羌活

八分

防風

八分

白芷

七分

宣達陽氣

此皆

荆芥

七分

去血中

風熱

桔梗

五分

降逆氣

大腹皮

五分

寬中氣

前胡

五分

暢滯氣

川芎

五分

達肝氣

地骨皮

五分

滋腎水

連翹

五分

散心火

木通

五分。○ 牛蒡子 五分。○ 散肺中結 紫草茸 五分。○  
活血散

痰。○ 洩心火

甘草 五分。○ 緩 肝和脾

燈心十四莖。水煎服。

前十神解毒湯以治血熱。此方以散氣鬱。凡肌肉粗厚。

經絡素有阻塞。而九竅不通。氣鬱則熱毒不能外達。而

或有內脹喘急秘結狂躁驚搐失血多怒多啼之證。故此

方急為發散升提。和解透肌。而熱毒可外達矣。加減法。初發熱。

而遽見壯熱焦躁咳嗽喘急者。加升麻。煩渴。加天花粉。

腹脹喘急面赤多怒。加麻黃。喘急惡風。加桑葉紫蘇。使

秘。加當歸枳殼。秘甚。加大黃。瀉瀉。加豬苓澤瀉葛根升

麻。忌白朮茯苓。嘔吐。加豬苓澤瀉橘紅。忌丁香香生薑藿

香半夏。小便濇赤。加滑石。梔子生地赤芍。面黃糞黑鼻

衄。加黃芩犀角。失血。加犀角生地黃連。發斑。加黃連黃

芩。梔子。驚悸。加木通。梔子。搖擲。加青皮。不思食。加山查。

忌人參。傷食。加山查。麥芽神麩。見點一二日間。出不快。

醫林 卷五 方劑 痘疹部 桔梗煎湯 桔梗麥湯 三

利。加牛蒡子。山查。蟬蛻。繁紅片。赤。加生地。紅花。牡丹皮。去白芷。防風。地骨皮。皮急肉緊。身壯熱甚。加葛根。前胡。

### 桔梗荆芥湯

初發熱而聲音遂變。熱壅肺而金不清也。用此湯。

甘艸

生用 二錢

桔梗

一錢

牛蒡子

一錢

荆芥

一錢

水煎服。

### 桔梗麥冬湯

痘瘡毒氣上壅。咽喉口舌生瘡。不能吮乳。用此湯。

桔梗

五錢

牛蒡子

五錢

生甘艸

劉宋 五錢

麥門冬

去心 合 一兩

為末。每服二錢。淡竹葉湯調服。

二方皆治熱壅於肺者。

### 導赤散

木通 五分 生甘草 五分 滑石 二錢 茯苓 一錢 薏苡仁 一錢 小麥 一錢 黃連 一錢 山查 一錢 蟬蛻 一錢 繁紅片 一錢 赤芍 一錢 生地 一錢 牡丹皮 一錢 白芷 一錢 防風 一錢 地骨皮 一錢 皮急肉緊 一錢 身壯熱甚 一錢 葛根 一錢 前胡 一錢



痘瘡內有大熱煩悶。當利小便。用此散以洩其心火。

方已見暑部。心火盛而驚惕內虛者宜之。

### 犀角地黃湯

內熱擁毒而氣虛者。利其小便。則悉損其氣。宜用此方以解毒。

犀角剉屑 一兩

牡丹皮去骨 一兩

白芍七錢五分

生地黃八兩為君

每服三錢。水煎服。

此以治血熱之毒。

### 消毒飲

牛蒡子炒二兩

荊芥穗五錢

甘艸炙三錢

白水煎服。

此兼解氣血熱毒。

犀角地黃湯 消毒飲



快斑湯

治痘疹見點或隱或見出不快者氣虛而血不和也然不得驟用黃芪恐反封其腠理宜用此湯凡發熱三日而後報痘見標報標時頭面稀少胸背皆無根窠紅潤頂尖碍手如水珠光澤者上吉可無服藥如報痘時煩躁不甯腰腹疼痛不止口氣臭熱出紫點者死點密甚無地口乾唇裂死斜視之臉如橘皮不  
分內地者死報痘全不起頂如湯泡及燈草火燒者十日後癢塌而死起紅斑如錦紋者六日死遍身如蛇皮者死黑斑如痣肌肉成塊黑者即時死腰下見點腰上不出者死兩顴無痘者死出不至足者死報痘色白皮薄而光根窠不紅或根帶綿紅三五日即長如棗豆大此痘決不能貫漿久後成一包清水擦破即死及早用此方或有可救

人參二錢五分

紫草茸二錢五分

其氣紫草以活其血人參以補

蟬蛻二錢

五分○以去氣分外鬱之熱濕

白芍二錢五分

○以斂血中相火之妄熱

木通一錢

○以

舒心分君  
火之蓄熱

甘艸炙一錢。以和其中。分作四服。水煎服。

痘瘡至報點時。全賴氣充血活。而後內毒得以外行。若中氣不足不和。而又或外有所遏。內有所鬱。則不得快矣。此方固可以兼理氣血而達之。

### 臙脂膏

治痘疔賊痘。凡報痘後將起脹時。諸痘未起。而有先起虛大如金黃者。名曰賊痘。有大而色黑者。名曰痘疔。每見此痘。則諸痘皆不得起。須以銀簪刺破。口含清水。吸去穢血。用此膏填入瘡內。則諸痘自皆紅潤。或用紫草油亦可。

臙脂

生用為主。

珍珠

生用研末。

豌豆

燒存性。為末。

頭髮

燒灰。存性。研末。

或炒髮出油。取用之。則更妙。

合為末。調入臙脂拌勻。候用。

醫林彙要 卷九  
膳脂以色。豌豆以形。血餘以血。活血珍珠以陰和陽。要  
以除其血熱之壅結者而已。去敗羣之羊。而羣羊和矣。

保元湯

即參芪飲。楊仁齋易此名。

凡痘至六日以後。則點齊而將起脹矣。痘未發。五臟之毒不分。已發。則歸於一臟。受毒多者見形。如肝毒水疱。淚出如水。痘小而色青。心毒則發斑。血泡。色赤而小。脾毒則雜疹。色黃微赤。肺毒則膿泡。鼻涕稠濁。痘白而大。惟腎無見證。痘火也。故不發於腎。若毒歸腎。則色變黑青紫。乾陷為大凶矣。大要以發自脾肺者毒淺。而恐或虛寒。發自心肝者毒深。而每多血熱。其若元氣虛弱。精神倦怠。肌肉柔緩。面青唇白。飲食減少。二便如常。睡臥安靜。而痘點不振不起。即是虛寒之證。未見點前。恐有雜感。固未敢遽用參耆。然輕用之。而加以紫蘇。防風。白芷之類。亦自無害。若見點後。審定虛證。則用參耆無疑。加以升提可矣。四五日後。取次行漿。參芪尤宜重用也。報點三日。痘漸起。曰起脹。若根窠紅潤。痘頂肥滿。此為吉為順。若起脹時。



根腳全然不起。而頭面皮肉紅腫如瓜。此必作渴。九日死。腰腹或痛或止。偏身紫點如蚊蚤所齧。全不起。發者死。偏身黑陷。悶亂不甯。神氣昏憤者死。根窠紫黑。乾燥不潤不起者死。有六七粒細而成斑。於中有一大者偏斜歪濶者死。有色如白飯。平塌不起者。此非虛寒。乃毒盛血滯擁於肺也。死。有痘不起。發善食者。胃內消也。十一日死。有痘不起。不能飲食。氣促神昏者。熱內壅也。死。其稍能飲食者。可用寬中之劑治之。有遍身痘頂皆陷。中有一眼如針孔。膿汁外流不發者。此則表裏氣血大虛。三日內死。如止頂陷而已者。可用助氣血之劑扶之。大抵六七日以前。痘點未齊。多恐毒壅。故治主清涼解毒。其有虛證。則痘點遲緩而已。未大害也。七八日以後。痘正當起發。其有壅毒。則此時死證畢見。無可復治。惟虛而不能起發者。則補助正在此時。倘不大補。不能行漿結靨。亦終歸於死。是故熱毒壅盛者。其死速。氣血虛寒者。其死稍遲也。

人參

錢一

黃芪

二錢。未出齊時生用。既出齊後炙用。

甘艸

五分。未出齊時生



用既出定後灸用。

痘瘡所患。毒熱壅盛。氣血虛寒而已。毒熱之壅。宜清於

見點以前。氣血之虛。宜補於起脹之際。此方為氣血虛

寒者設也。

方內無血分藥。然氣充而血自從也。

果屬虛寒。則一切發散攻

劫苦寒之藥皆當忌。

古人所以戒汗下也。

雖在未見點之前。亦可

酌用此方。但宜佐以開提勻氣之品。

如川芎。桔梗之類。

見點齊

後。如無熱壅等證。則用此無疑矣。若非虛寒。

所以又有十神解毒

羌活散鬱

而概以此為治痘之通劑者。則亦偏矣。

加減法出

不快不起。加川芎。肉桂。大便溏。加白朮。肉果。茯苓。秘寶。

加酒炒當歸。洩瀉。加白朮。肉果。丁香。小便赤。加大腹皮。

茯苓。短瀉。加大腹皮。木通。嘔吐。加乾薑。丁香。陳皮。煩渴。

加麥冬。五味。芍藥。減食。加白朮。人參。神麩。傷食。加神麩。

麥芽山查喘急加桔梗蟬蛻杏仁風感加紫蘇防風有痰加杏仁貝母若六七日後或曾經洩瀉而得氣喘者則虛甚也宜倍加人參腹脹加大腹皮厚朴川芎防風三四日前當熱不熱四五日間手足厥冷冰硬不起可用參芪加丁香肉桂川芎倍加黃芪至貫漿時漿清則加白朮茯苓四肢不起加防風漿不足加川芎當歸白朮水泡加白朮防風白芷白芍咳嗽加五味杏仁麥冬發癢加川芎當歸白芍白朮茯苓癢甚則用茵陳蒿黑棗燒烟熏之大抵熱毒壅盛之證則一切補濟之藥皆在所忌恐重實其邪也氣血虛寒之證則一切寒涼之藥皆在所忌恐重虛其正也

### 太乙保和湯

痘證血熱者服十神解毒湯後熱證悉去內外和平至見點三日之後勢當起脹而或不易長大粗肥者用此方以保和元氣活血解毒助痘成漿易痂易落勿使其熱證變虛也

生地黃

一錢○滋血涼血

川芎

八分○行血中之滯氣

紫草茸

五分○涼

血活

紅花

五分。活

人參

八分。補氣以

甘草

節

五分。以和中。

山查

五分。連核。能順氣和胃而去壅滯。

木通

五分。心君未盡

平之

桔梗

八分。降肺中。未盡平之逆。

糯米

五十粒。以滋養肺胃之氣。且能貫

漿起

燈心

七寸。以洩心火。

生薑

一片。以行藥力。水煎服。

此承血熱證之後。於將行漿時急用此以和之。使氣充

而不滯。

人參甘草山查木通桔梗

血行而無滯。

生地川芎紅花紫草

加以糯米。

則漿行而痘起矣。

加減法。出未快。加牛蒡繁紅不潤。加蟬蛻當歸陷塌。加黃芪痛。加白芷不

勻。加防風。水泡。加白朮白芍。便瀉。加大腹皮。腹脹。加大腹皮。嗽。加五味麥冬。渴。加麥冬。癢。加白朮白芍。如七八

日間。漿足而身重壯熱。便秘煩渴。腹脹喘急。則加柴胡前胡枳殼。漿足以後。則勿用此方。

益元透肌散



痘證壅毒者服羌活散鬱湯後壅證悉開氣血和平。至見點三日之後勢當起脹而或不易肥滿成漿者。用此方以勻氣解毒透肌達表領出元氣。則可以助痘成漿而易成膿窠也。

人參

一錢。益元氣。

甘艸

八分。和中氣。

桔梗

八分。降逆氣。

陳皮

五分。

和川芎

八分。行血中氣。

木通

五分。洩熱氣。

山查

五分。順滯氣。

牛蒡子

五分。去外過之餘毒。

蟬蛻

五分。除外過之濕熱。

紫草茸

五分。佐以涼血活血。

糯米

五十粒。以助行漿。

燈草

十四節。以洩心熱。

大

棗

三枚。以益中氣。

水煎服。

此承壅毒證之後。於行漿時更用此以透之。使氣勻而不偏。

不偏。

人參甘艸桔梗木通川芎山查陳皮。

氣通而不壅。

蟬蛻牛蒡川芎紫草。

加以糯

米。則漿行而痘起矣。

加減法與太乙保和湯同。

保元人乳湯

起脹時頂雖起而四圍淡白枯濇者血虛也。四圍雖收暈而頂陷者氣虛也。頂陷色白氣血皆虛用此方。

黃芪

炙二錢

人參

錢一

川芎

分八

木香

分八

當歸

分八

肉桂

分三

甘艸

炙五分

氣不虛去木香。血不虛去當歸。肉桂。

加酒半杯。同水

煎和人乳半杯。溫服。

此承虛寒證之後。於行漿時更加助氣血之藥。使氣充

則不虛。

人參黃芪木香甘艸

血足則不寒。

當歸川芎肉桂人乳

加以酒力。則

脹起而不致有枯白頂陷之憂矣。

氣血弱甚者。加鹿茸一錢。

保元固氣湯

起脹時痘上有小孔。不黑不白。名曰証痘。此腠理不密。衛氣虛也。大洩元氣。不治則凶。用此湯。

黃芪 錢三

人參 錢一

肉桂 分五

丁香 分三

甘艸 分五

水煎服。

虛寒之證。腠理多疎。故有所謂訂豆者。此以大壯氣血而鼓舞之。以固其腠理。使漿行而氣不洩也。

### 獨聖散

凡血熱毒壅之證。在前未能清滌。則於七八日間漿必不起。而有紫黑乾枯及青灰倒陷者。此方可用。

穿山甲

甘艸湯洗淨。炒令焦黃色。

為末。每服五分。入麝香少許。木香

煎湯調下。或紫草煎湯入酒少許調下。

按血熱者宜紫草湯毒鬱者宜

木香湯。

### 牛李膏



治同上。

牛李子

一名烏罌子。一名楮李子。一名牛誚子。一名鼠李子。一名禾鎌子。好生道旁田畔。過秋結實成

穗垂葉間味甘可食。色黑而多汁。

不拘多少。取汁熬膏。每服卓子一丸。

杏仁湯化下。

痘瘡惟腎無證。然其敗每至黑陷。則是毒歸於腎。蓋熱鬱而不得發。則反致內攻。還

於腎命也。穿山甲善穿穴而食毒。故能通徹筋骨以發其毒。牛李子色黑多汁而性味甘寒。故亦能入腎而解血氣毒。熱也。

### 豬尾膏

治同上。

蟾酥

許少

牛黃

二分

辰砂

錢一

雄黃

三分

冰片

二分

合為

末。取豬尾血。

於活者割出鮮血。

和為膏。或為丸如麻子大。每

服一丸或二丸薄荷湯下。舊用豬尾血。亦能起血陷。

### 狗蠅散

治同上。

狗蠅

專攢犬身毛內及狗矢中。色正黃撲之暫死。少頃復活。故能入下極而拔出瘀穢之毒。且轉死為生。

也。不拘個數。炙新瓦上為末。

每服少許。落花生煎湯調下。

亦取落而復生之意。

且性滋潤。能發毒。

以上四方。於急時皆可選用。大概穿山甲主拔壅毒。牛李子主益氣血。豬尾行血拔毒而兼鎮心。狗蠅去污穢也。外此如人牙散。天靈蓋。溫胸臍諸方。或殘忍。或怪僻。或過於污穢。或毒性太甚者。皆不錄。

十宣散

局方又名託裏十補散。

用以內託瘡瘍。痘證入九日間行漿。九日後膿當貫滿。或氣血內虛。不能達表。痘瘡不起。或成片作爛者。可以此託之。凡痘起脹三日後而貫膿。若膿漿充滿。色如黃蠟。根窠紅潤。二便如常。飲食不減。此為上吉。若純見清水。皮白而薄。作水泡者。是表裏極虛。每於三四日後。偏身抓破而死。若貫膿時吐洩不止。或二便下血。乳食不化。痘爛無膿者死。若二便不下。猶可用止瀉消食之藥以救之。其表裏皆虛者。見幾速治。宜此方及十全大補湯。

黃芪

炙三錢。益胃氣。壯衛氣。

人參

二錢。合黃芪以補氣。

當歸

二錢。用酒炒免

滑腸。合黃芪以補血。

川芎

一錢。升提氣血。

甘艸

炙一錢。以和中解毒。

防風

一錢

厚朴

一錢

桂心

一錢。自命門而達之肝。

白芷

一錢。自肝而

達之脾胃。

桔梗

一錢。此三味皆有託裏排膿之力。

為末。酒調服。虛甚者加



鹿茸

錢一

參芪歸芍以充其氣血。甘艸厚朴以和其中。防風白芷

桂心桔梗以達之外。使氣血得而外宣。此所謂十宣痘

瘡之膿有不貫頂者乎。

十全大補湯

痘貫膿時。平頂闕腳漿不滿者。可用此方。

黃芪

錢二

人參

錢一

白朮

錢一

茯苓

錢一

甘艸

錢一

肉桂

分八

當歸

錢一

生地黃

錢一

川芎

分八

白芍

藥

錢一

此方全乎補。予不甚喜。然體果大虛。則不得不用之。

內氣

方劑 痘疹部 十全大補湯 敗毒散 松花散

不勻不能外達者更  
加木香陳皮乾薑

敗草散

痘瘡成片作爛膿水不乾者內  
宜大補血氣外用此散傳之

敗草

覆牆頭及屋上  
受風露久者

炙研敷瘡上

松花散

治同上

松花粉

微炒退冷  
然後用

敷席上使兒安臥

木香散

痘疹表虛灰白內虛洩瀉腹脹喘渴凡經瀉後內必  
虛寒外雖見喘渴之證有似於實痘瘡乾紅亦非實  
熱宜用此方加減為治從前  
之血熱鬱熱皆所不復問也

木香二錢。升無形之清氣。降

前胡以暢滯氣。

青皮以發

肝。有有形之濁物。而統三焦。

甘艸以和

肉桂

氣。大腹皮以寬中氣。

人參以保元氣。

訶子肉

以鼓舞氣血。自命門而達

丁香煖其虛寒。

訶子肉

之肝。由肝以暢於四肢。

剉散。每服三錢。或五錢。水煎空心

之氣。清金止瀉。

黃芪三錢。有滯食未消

服。痘頂塌陷者。加糯米一撮。

乳食不化者。加神麴二錢。查肉一錢。

此氣虛內陷之治。為痘瘡灰白而洩瀉不止者設也。宜

暢其氣。鼓舞其血。而虛可實。陷可升矣。非有灰白洩瀉

之證。雖虛不必用此。

虛疹部 木香散 異功散



### 異功散

痘瘡表虛痒塌。內虛洩瀉。腹脹喘嗽。悶亂煩渴。而寒  
 顛齧牙。頭温足冷。此亦外似實而中之虛寒已甚。則  
 毒反內攻。因有脹滿喘渴耳。或  
 疑其實非也。宜用此方治之。

木香

二錢五分

陳皮

二味以行氣

人參

以補氣

當歸

以滋血

厚朴

以寬中

肉豆蔻

補命火以煖脾胃。以大治其中寒。

丁香

以上皆二錢五分

分。以助肉果而宣達於氣血。

肉桂

二錢

白朮

厚脾胃理氣。血止洩瀉。

茯苓

以上各二錢。

附子

泡。以大壯其元火。

半夏

二味各一錢

剉散。每服五

錢。或八錢。生薑二片。棗三枚。水煎熱服。

此表裏皆虛。外見虛熱而中寒已甚者。

外見虛熱。故瘡痒氣喘。毒勢反

內攻。故脹滿悶亂。內虛則寒。故寒顛齧牙足冷。外虛則陷。故痘瘡平塌不起。

故大壯其元火。

自下而達之上。大補其氣血。自內而達之外。而寒可轉  
溫。虛可轉實矣。然非中寒之甚。亦不必用此。

### 枳殼湯

痘瘡至十一二日之後。漿能貫滿。則兒體雖弱。毋庸  
過服參芪。恐反有腹脹喘息之證。若服燥劑不當。或  
有大便秘塞。服丁桂太過。又有咽腫煩躁。秘渴諸證。  
故治病用藥。貴適其平。當可而止。此方以治服參芪  
之過。而作腹  
脹喘急者。

枳殼麸炒 厚朴薑炒 陳皮八分 甘艸生用 水煎

前木香異功等劑。以經解毒散鬱之後。毒熱已洩。則容  
有實而轉虛者。以有灰白洩瀉痒塌中寒之候。其虛固  
真。虛故木香異功之散。皆溫之補之。惟恐其不實也。此

痘疹部 枳殼湯 寬中散

以下數方。為過用參芪保元。或氣反壅。過用木香苓朮。或下反秘。過用丁香桂附。或火動陰枯。致有脹喘便秘。煩渴等證。而設。但以虛變實。未為真實。故只宜略為疏通。恐實者易虛。又轉成脫證也。

### 寬中散

服燥藥太過。或使津液耗散。大便秘結。用此以寬之。

枳殼

錢

赤芍

八分。以斂陰和脾。

甘艸

多用八分。

當歸

一錢六分。以

滋血潤燥。水煎服。

便秘似實。而由虛變實。則未敢以實而破之。且痘證尤不敢輕下也。枳殼為寬其中。赤芍為清其熱。而當歸以



潤之甘艸以和之秘者可通矣。赤芍藥或作赤茯苓誤甚。

### 麥門冬湯

治服燥藥之過轉而津液大耗便實燥渴者。

麥門冬

錢一

生地黄

錢二

白芍

錢一

當歸

錢一

水煎服

便秘而煩渴則陰虧矣。以火爍金故為之清金而滋其血。

### 滋燥養榮湯

因用丁桂辛熱之過轉而有咽喉腫痛心煩口渴二便秘結之證則恐陰虧血涸痘瘡亦反難收靨矣宜以此湯清之

方已見火部當歸二地皆以滋其血芍以酌之苓以清

麥門冬湯滋燥養榮湯保嬰補湯

之秦艽以養血榮筋。防風以行氣宣鬱。甘艸和之滋而仍不失之寒涼也。

### 保嬰八補湯

痘瘡至九日十日漿足之後。別無他證。只宜調理氣血。滋養脾胃而已。從前血熱毒鬱。皆可不問。此方惟調養之。

人參八分 白朮一錢 茯苓八分 甘艸炙八分 當歸酒炒一錢

熟地黃一錢 白芍八分 山藥八分 黑棗二枚 水煎服。

此方即八珍湯。不欲以川芎行之。易以山藥。所以清虛熱而斂其游散之氣。亦解利西南。無所往。其來復。吉。有攸往。夙吉之意也。毒盡發而漿滿。亦雷雨作解之象。氣體

虛弱之甚者。可  
稍加黃芪肉桂。

### 八珍加木香牛蒡子湯

痘瘡至十一二日。貫漿已滿。熱毒解散。則靜候收靨而巳。收靨之時。色轉蒼褐。一二日間。從口脣四邊結痂。由胸腹收至兩腿。然後腳背額上。一齊結靨。自落者。為大順。或偏身臭爛。如煎油餅。氣不可近。目中無神者。死。或偏身發痒。抓破無膿。皮卷如豆殼者。死。或發寒而手足顫掉。齧牙禁口者。死。落靨後。疤痕雪白。全無血色者。死。痘後漫驚。目無神面青者。死。凡此皆毒發未盡。及血氣虧喪。已甚之失也。預知因證調治。當不至此。其有熱散毒解。至收靨時。而痘數日不焦者。但得痘色如初。則自無害。只用此湯以補中利水。  
痘瘡  
自斂

人參

八分

白朮

錢一

茯苓

八分

甘艸

炙八分

當歸

錢一

熟地黃

八分

川芎

八分

白芍

八分

木通

八分

牛蒡子

八分



此仍用川芎以痘當靨而未靨則毒氣猶有事於行也

木通以瀉餘熱牛蒡以清餘毒

八珍加黃芩知母湯

治靨後身弱坐立搖顛此火食氣也

八珍加黃芩八分○以清金

知母八分○以堅腎固骨髓

八珍加麥門冬五味子湯

治靨後煩渴喘咳此火鑠金也

八珍加麥冬一錢○以清肺甯心五味子五粒○以斂補肺氣

八珍加肉果木通湯

治靨後時或洩瀉此餘熱下逼也

八珍加

肉果

八分。○。○。以定元火。安脾胃。

木通

八分。○。以洩餘熱。

凡此皆氣血未平之故。故從八珍加味。所謂有攸往夙吉者也。

### 木香歸蟬散

痘當靨不靨。洩瀉不渴。寒顫齧牙。瘡反作痒者。外餘熱而內虛寒也。用此。

木香散加

白芷

溫中而行外。以止痛痒。

當歸

使血足而後能收。

蟬

蛻

以去皮膚之風熱。

木香散以治內之虛寒。白芷當歸蟬蛻以除外之虛熱。

### 桔梗消毒湯

咽喉腫痛聲啞。在初出時為毒擁。肺氣不清。宜桔梗荆芥湯可治。在起脹貫漿時。因內痘長大。以致氣道

狹窄。不治自愈。結醫後而有此證。內毒盛甚。其勢內攻而上。燦肺凶證也。用此方。

甘艸生用 三錢 桔梗一錢 五分 牛蒡子一錢 荆芥穗八分 元

參一錢

此合甘桔消毒二方。以清上壅之毒。

柴苓湯

痘痂當落不落。濕熱內壅。而清寒外襲。故氣血留著而不得散。醫中含濕熱。熱血不消。則痂不落矣。故治宜此方。

小柴胡湯以解其表。五苓散以瀰其裏。除熱濕也。

益元散

治同上。



方已見暑部。內熱盛而濕留。治之以此。三焦之瀆通。外

用蜜水調滑石末傅之。可以解皮。膚之濕熱。

內滌湯

痘瘡收靨。忽瀉膿血。中有痂皮者。腹中有痘也。無大害。宜服此以蕩其餘毒而已。若瀉血而穀食不消。則脾胃虛也。或瀉血而痘壞無膿者。胃爛也。此不可治。

薏苡根

兩

天花粉

錢一

甘艸

錢二

水煎服。

內瘡能靨固無害。而餘毒不可不解。

韶粉散

痘已愈而毒未盡散。痂落而癩猶黯。或凹或凸肉起者。用此散。

韶粉

兩

輕粉

錢一

入豬脂調勻塗痘癩上。

痘部... 韶粉散... 玉簪膏...

### 玉髓膏

痘痂欲落不落。用此塗上。并可減癍痕。

### 羊骨髓

一兩

### 輕粉

一錢

和成膏。塗瘡上。

### 花露膏

痘痂痒甚。搔抓成瘡。而痂不落。用此塗之。

### 蟬蛻

炙乾細研為末。

### 白蜜

生用

和勻。塗瘡上。

### 決明散

痘瘡急宜護眼。用臘脂塗眼。眶可卻。辰砂亦可。如痘入眼。則宜用此方。

### 天花粉

二錢

### 決明子

一錢五分

### 赤芍藥

一錢五分

### 甘艸

生一錢

合為末。每服五分。水調下。日三。如痂欲落不落。則用生

蜜時時潤之。可揭則揭去。凡痘瘡不可食雞鴨卵。恐目盲。最宜戒。

### 紫貝散

治同上

紫貝

一個。如無貝。則石決明亦可。

炙研為末。用羊子肝。

肝上葉上如馬蹄者。或用

青羊膽尤妙。

竹刀批開。糝入貝子末。線纏米泔煮熟。入小口

瓶內。乘熱熏目。候冷取出。星月下露一宿。空心服之。

此方意甚妙。

### 附痘瘡避忌

初發熱時。兒必喜就涼處。勿使近新漆器。漆性有毒。能令痘毒內伏。不可坐陰濕及當風處。如陰濕賊風襲之。

方劑 痘疹部 決明散 紫貝散 附痘瘡避忌



則內熱必爲所遏。此毒壅之證。所由來也。  
出痘時勿使房內用火盆烈火。亦不可多人擁擠及食  
炙煖辛熱油膩等物。乳母尤當戒之。熱盛辛毒入積於  
中。此血熱之證。所由來也。油膩又能滑腸。

痘證不可過表。過表則氣散而發瘡無力。不可太下。太  
下則陰耗而漿血不行。此虛寒之證。所由來也。有外遏  
則微表。有內熱則微下。

痘證辛薰之味。本非所宜。然俗用往往藉之以發表。惟  
蔥連白可用。能拔毒自命門而上以通之。腠理也。若芫  
荇只入氣分。麻疹則宜。痘非所用。以噴體。以灑壁。亦惟

熱擁之證爲可。

起脹時。筭尖糯米可用。香葦含毒氣勿用。鯽魚鯉魚可用。他魚恐性熱助火。鮮鰕能滑腸。雞汁油重且動風。均不宜用。虛甚者則用山羊血鹿茸。常食白鯨最佳。豬肉亦宜去油湯。

痘證宜遠烟煤。恐入目壞目。入咽傷喉。勿近臭穢。勿掃廁。凡一切狐臭。及婦人月事房事飲酒并生人皆當避。惟生母乳母經期不忌。痘若被厭。卽時墮黑。宜常焚黑棗蒼朮茵陳以辟之。

痘自初出至收靨。不可梳頭搔癢。須百日外方可洗浴。

健者五十日後亦可。辛薰之味及魚腥亦百日宜戒。

出痘房內。夜當燃燈。

孕婦出痘。以安胎為主。餘皆同治。

痘後餘毒結毒。見卷十癰瘍部。

### 附稀痘方

用鱧魚

即七星魚

煎湯。歲除日浴兒徧身九竅週到。

如一處未洗到。

是處必多痘。

使腥氣浸淫入裏。可以稀痘。兒能食者則略飲。

此湯

古方用鯽魚。竹刀批鱗剝腸。實腹以芫荽煮瓦罐中。歲除或立春前一日。令兒食之。

又方用赤小豆黑小豆菉豆。甘艸各一兩。研末。入竹筒

筒削皮。留節。鑿孔。入藥後。塞以楷木釘。封以蠟。季冬浸



廁中一月取出洗淨風乾每藥一兩配臘月梅花瓣三

錢春花後開遲者不用須雪中落地大兒每服一錢小

兒五分以霜後絲瓜藤上小藤絲煎湯絲瓜老布亦能通經絡去毒熱

痘之血熱壅毒者可用為藥引空心服忌葷腥連服十二日解出黑糞

為驗每年一二次可稀痘三次可不出痘此方用意甚妙

又方蜜調忍冬花末常服之此方恐滑腸

又方用元參四兩犀角二兩生地黄四錢麥門冬四錢

兔絲子半斤酒浸二宿煮乾去皮合諸藥為末蜜丸彈子大每服一

丸白湯化下日再此方藥雖寒有兔絲子之溫為君亦可用

又方以雞卵浸糞清中夏月三日冬月七日取出煮令

方前 夏部 稀痘方 麻疹部 見

兒空心食之七日七枚

此方不如用鴿卵為效。取其大能解百毒也。

麻疹部

麻疹乃六腑之留毒。發自足陽明胃。胃為六腑之  
 海也。湯氏云。小兒斑瘡。動於天行時氣。熱不能解。  
 蘊積於胃。胃主肌肉。故毒氣熏發於肌肉。狀如蚊  
 子所嚙。此證與斑不同。斑如錦紋。有空缺處。如雲  
 頭之狀。麻則通身無空缺。但以疎密分輕重耳。愚  
 按麻雖觸於時行。究竟本是胎毒。但痘發於臟而  
 歸於陽。麻發於腑而歸於陰耳。其熱白脾胃而浮  
 於心。自心而燦於肺。故每傷肺為甚。其初發熱亦  
 似痘。及傷寒證。眼包困倦。鼻流清涕。咳嗽減食。煩  
 悶不安。嘔吐清水。瀉洩黃赤。喘渴氣急。目赤腮紅。  
 則是麻候。凡熱三日而見疹。發透三日而漸沒。以  
 九日為恆。有或熱或退。五六日而後見。斜視之。隱  
 隱肌膚間。手摩之。磊磊皮肉外。色淡紅。滋潤。頭面  
 勻淨而多。發透三日。以漸而沒。此輕證也。若隨熱

卽出。或頭面皆無。或紅緊暗燥。或咽喉腫痛不能食。或移熱大腸。變而成痢。或爲風寒所遏。疹沒太速。皆重證也。若黑暗乾枯。一出卽沒。鼻扇口張。兩目無神。鼻青糞黑。氣喘而心窩吸動。麻後牙疳臭爛。皆死證也。大抵麻疹發於陽。陽則熱盛而陰受傷。故治宜先發表行氣以散其熱。而後爲之滋陰補血。凡動氣燥悍之藥。皆所忌也。

### 升麻葛根湯

凡發熱審是麻證。宜以此爲之解肌。使皮膚通暢。腠理開豁。則疹易出。

方已見寒部及痘證中。此陽明經藥也。麻疹發於陽明。

故以此方爲要藥。升麻葛根以達陽氣於外。芍藥甘艸

以和脾胃於中。加芫荽生薑以微汗之。使元府潤澤。則

熱毒不鬱也。

麻證發表。用芫荽勝於蔥。以其專行氣分。能鼓舞胃氣。不宜多用薑。恐助熱也。



### 柴胡升麻湯

治麻證熱甚。頭重如石。身體重痛者。此必因清寒外遏而然也。宜此方。

即前方加柴胡。熱盛入裏則侵少陽故加柴胡。如壯熱無汗。加麻黃。

熱盛欲出而不得出。則侵太陽且燦肺。故加麻黃。咽痛。加桔梗。熱上迫咽。故桔梗降洩之。

丹毒結塊。加元參。以散腫中之火。且清血熱。

### 麻黃湯

當見疹而不出。或出而不快。或身有而頭面無。此係熱重。喘咳氣急者。肺受寒而皮毛鬱塞也。可大為汗之。

麻黃肺藥也。肺寒則腠理不暢。胃熱鬱中而不能發。肺

金受燦。而喘逆作矣。故宜大為表之。不快者。外煮芫荽酒。渾身擦之。

參蘇飲

麻疹或熱。或退。不大熱。四五日不發。或發而色淡白。不紅。此固非逆證。然氣血不足。則恐毒發不暢。宜補助氣血而微表之。

肺氣虛寒。不任受表。則宜此。此方已見風部。

消毒飲

麻疹鬱熱而咽喉腫痛。胃火上逼也。可用此。

方已見痘部。咽腫不食。火熱上僭也。此為消其毒。氣逆加桔梗。

化斑湯

胃熱盛甚。方熱而疹遽見。見而不勻。色紅紫枯晦。此火盛血熱。下結上鬱也。宜此方以清熱和中。若見鼻

衄則熱從上解。見微洩則毒從下解。亦以此安之。自無害也。

石膏

二錢五分。○清理肺胃之熱。其辛淡能解肌。其重沈能破結。

知母

二錢。○清理膈中之

熱。下行能滋生腎水。上行能降洩逆氣。

人參

二錢

甘艸

炙二錢。○調補其中。

糯

米一撮

煎服。糯米調之以溫。且以資化氣血也。

肺胃鬱熱。膈中熱甚。用此以解熱調中。可免喉瘡下血。斑爛驚搐諸證。而疹出亦快利。

### 六一散

麻疹以頭面多者為佳。又看耳後頂上腰眼間宜先見。此皆三陽經所行也。其頂宜大而不長。其形宜小而圓淨。其色宜淡紅而滋潤。若紫紅而乾燥暗晦。則火盛毒熾也。宜此散。

方已見暑部。此蕩除三焦之火而下之。三焦火洩。則肺



胃熱平。

四物滋陰湯

麻疹暗黑焦枯。熱盛不退。則陰血受傷矣。宜此方。

當歸二錢

生地黄一錢。勿用熟。

芍藥一錢

川芎五分。宜少用。

牛蒡子

入分。○咽痛者加重用。

連翹

入分。○舌生瘡者加重用。

乾葛

八分。○熱

迫下瀉者加重用。

黃芩

入分。○口氣出熱者加重用。

紅花

五分。柴胡一錢

赤檉柳

三莖。○一名西河柳。枝葉似柏。實柳類也。生水澤旁。天將雨則木有雲氣上蒸。故又名雨師。性

味甘辛。鹹寒。能瀉肺熱。散瘀血。挹潤澤之氣。以上行。而宣毒去鬱。此證用之最良。水煎服。

陽盛則陰虧。氣熱則血涸。養陰即所以退陽。六一散專

行氣分而過於燥。

凡淡滲之藥。不若此方之養陰也。乃真燥藥。

黃連杏仁湯

麻疹出而咳嗽煩悶不解。嘔逆清水。目昏目赤。咽喉腫痛。口舌生瘡。熱逼下瀉。此則熱盛內鬱而外不能暢。其疹出必紫黑不勻。宜此方為內外兩解之。

黃連

一兩。去熱解毒。厚腸胃為君。

杏仁

炒去皮尖。潤心肺。止咳。去堅結。降喘逆。

陳皮

疎鬱氣。止嘔逆。

枳殼

破結寬中。斂陰降逆。

麻黃

去節。達邪熱於外。

葛

根

各五錢。升拔陽氣。解肌熱。清胃熱。

甘艸

炙二錢半。

厚朴

二錢半。以燥積濕瀉者。

加此。不瀉去之。每服三錢。水煎服。

毒熱內盛。而外有邪鬱之。麻疹不能透脫。則上逼於咽喉。口舌下逼為洩瀉。中逼為咳嗽煩悶嘔逆。故內外為兩解之。諸證除而麻疹快矣。

黃芩知母湯

麻疹癩爛。或癰疹如錦紋。或出膿水。腥臭不乾。心  
胸閉悶。嘔吐清水。壯熱不退。此胃熱甚。可服此湯。

葛根

陳皮

杏仁

去皮尖

麻黃

去節

知母

黃芩

甘艸

炙各等分

每服三錢。加赤梔柳煎服。

癩爛加芍藥。

此亦治毒熱內鬱而不能發。發而不能透者。此主透毒也。

普濟消毒散

麻疹既出。見風復沒。壯熱愈增。重證也。宜此方加表散藥。或當復出。否亦愈。

方已見風部。熱毒方發。遽為外淫所折。毒反內攻。此逆

證也。變將不測。

或瀉痢膿血。或咽腫喉痺。或走馬牙疳。或瘡瘍癰毒。皆毒反內攻也。及時

普濟消毒散。黃芩知母湯。普濟消毒散。湯。三



為消之。芩連藍根元參以清其熱。甘艸牛蒡馬勃以解其毒。桔梗連翹柴胡薄荷升麻陳皮以升降其氣。以除其風濕寒熱。或更稍加麻黃毒熱解而危可復安。

四物湯

麻疹出後。過三日而不沒。此內有實熱。陰血不足。而陽不能復還也。

此方已見肝部。養陰所以退陽也。疹過期不沒。有熱證者。加牛蒡子荆芥。

芍芩湯

麻後洩瀉。積熱遺於大腸。宜此方。

澤瀉一錢

茯苓八分

豬苓八分

白朮

八分。此四苓散也。以行水道。自脾

胃而引之下。達於  
膀胱。水行則熱息。  
木通 入分 ○ 瀉心

之熱。且  
厚腸胃。  
黃芩 入分 ○ 瀉肺熱於大  
腸。宜用子芩中實者。

和脾補肺而和大  
腸。為此方君藥。  
煎服。

熱逼大腸則瀉。大腸非有熱也。自小腸遺之。  
大腸承小腸之下。

小腸之熱。自心遺之。  
一臟一腑。經脈相絡。 心之熱自脾胃歸之。  
為心

諸火之宗。臟腑有熱。皆歸於心。  
麻疹熱發於胃。故主脾胃為言。洩脾胃之水。而行之膀胱。

瀉心肺之熱。而達之小腸。小腸能分泌水穀。三焦水道通利。則大腸無熱矣。

### 香連丸

麻疹熱逼於下。熱盛為赤白痢。宜此。

方劑 麻疹部 香連丸 養陰消毒湯

方已見暑部。流為腸澼。則氣血皆傷。以苦洩之。而更以辛行之可也。

養陰消毒湯

麻後咳嗽。積熱遺於肺。而鬱濕成痰癥。宜此方。

當歸錢二 生地黄錢一 川芎錢一 半夏五分。不可多用。 陳

皮八分 茯苓八分 甘艸炙五分 瓜蒌仁去油八分 桔梗八分

水煎服。渴加麥門冬。枳殼。喘加桑白皮。蘇子。

喉痛。加桔梗。肺熱甚。則去半夏。加貝母。

熱逼肺則喘咳。肺非有熱也。自胃逼之。胃與脾併。熱必挾濕。濕從熱溢。則沸為痰。四物養陰以平其熱。二陳去



濕以行其痰。瓜萇桔梗以潤肺而拔其熱邪。浮陽退而熱濕除。肺不咳矣。

蜘蛛膏

治走馬牙疳。

方已見嬰兒部

桔梗消毒湯

治牙疳紅腫。

方已見痘疹部

栗枝洗法

治牙疳紅腫。

腎水真豆

方劑藥部 蜘蛛膏 桔梗消毒湯 栗枝洗法 四物如錫湯 五三

栗枝皮剝取嫩枝青皮 赤檉柳用枝煎汁以青布裹指蘸洗兒

口擦破其腫數遍則消矣。

### 四物加麩湯

麻愈後有不能食者脾胃虛熱耳宜此湯。

四物湯加神麩炒八分 砂仁八分

四物以養陰而平其虛熱神麩砂仁以化氣而復其元陽。

調護避忌之法多同痘證。但彼宜稍就清涼。最忌火熱。此宜常居密室。不可少當風寒。彼不妨稍食肉。此則始終戒食油膩。彼不可食卵。此則愈後宜食鴨卵。以清餘

熱爲不同耳

卷之九終